

საბუა

№2(182)
თებერვალი
2011

საქართველოს კათოლიკეთა ყოველთვიური მაცნე



ღვთისმშობლის ქანდაკება
ფერიქოს საგანეში



პრეზენტ ბათუმის სულიწმიდის ეკლესიაში



ლოცვა ქრისტიანთა ერთობისათვის




ნათლობა ოზურგეთში



საშობაო კონცერტი ქუთაისის
ბავშვთა ცენტრში



ნიკოლოზობა ახალციხის
„ახალგაზრდა ინვალიდთა ცენტრში“



საქართველოს პრეზიდენტი კათოლიკეებთან შობაზე

უკეთესი ცხოვრებისათვის

მაშინ როდესაც მთელი მსოფლიო საბჭოთა იმპერიალიზმის ჩრდილქვეშ იყო მოქცეული, 1978 წლის ივნისში, ა. სოლჟენიცინი, ჰარვარდის უნივერსიტეტში წარმოთქვამს დაუვინყარ სიტყვას, სადაც მკაცრად გმობს დასავლეთის უმწეობას „რეალური სოციალიზმის“ წინაშე. რუსი დისიდენტი ააშკარავებდა იმ ძირეულ შეცდომას, რაც „დასავლეთში სამყაროს შესახებ გავრცელებულ კონცეფციაში იდო, რომელიც ალორძინების ხანაში ჩაისახა და ილუმიინიზმიდან პოლიტიკური ფორმები შეიძინა... ამას შეიძლება რაციონალისტური ჰუმანიზმი, ან ჰუმანისტური ავტონომია ეწოდოს, რადგანაც ნებისმიერი ძალის გამოყენებით აცხადებს და ხელს უწყობს ადამიანის ავტონომიას, ან სულაც შეიძლება ეწოდოს ანთროპოცენტრიზმი, რომლის მიხედვითაც ადამიანი არის უმაღლესი არსება, ღვთის მიერ შექმნილი, იგი წარმოადგენს სამყაროს ცენტრსა და საბოლოო მიზანს“. ამგვარმა კონცეფციამ, სოლჟენიციინის აზრით, „თანამედროვე დასავლური საზოგადოების საფუძველშივე ჩადო საშიში ტენდენცია, რაც გამოიხატება ადამიანისა და მისი მატერიალური საჭიროებების მიმართ ქედის მოხრაში. მატერიალური კეთილდღეობისა და ქონების მოხვეჭის გარდა, ყველა დანარჩენი წვრილმანი, ყველა დანარჩენი საჭიროება, მეტნაკლებად ამაღლებული, სახელმწიფო სისტემებისა და სოციალური სტრუქტურების მიერ მხედველობაში არაა მიღებული, თითქოსდა ადამიანს არ გააჩნდეს სხვა კეთილშობილური დანიშნულება ამ ცხოვრებაში... და ასე დაისადგურა ამ სტრუქტურებში საშიშმა სიცარიელემ, რისი წყალობითაც დღეს თავისუფლად პარპაშებს ბოროტება“. სოლჟენიცინის აზრით, კომუნიზმი თანამედროვე ჰუმანიზმის ყველაზე რადიკალური და ადექვატური ფორმა იყო. „კარლ მარქსმა შეძლო, ეთქვა (1844 წ.): „კომუნიზმი არის ნატურალიზებული ჰუმანიზმი“. ის, რაც აქტუალური კრიზისიდან გვაშინებს, რუსი მოაზროვნის აზრით, თანამედროვე ადამიანის სულიერი სამყაროს დაკარგვაა. „აღმოსავლეთში მას პარტიის ბაზარი თელავს, ხოლო დასავლეთში კომერციული ბაზრობა... თუკი ადამიანი დაიბადა, როგორც ამას ჰუმანიზმი მიიჩნევს, ის მხოლოდ ბედნიერებისთვის იშვა და არა სიკვდილისთვის. მაგრამ, რადგანაც ადამიანი ხორციელად სიკვდილისთვის არის განწირული, მისი მისია ამ ქვეყანაზე უსათუოდ უნდა იყოს სულიერი: არა ყოველდღიური ღორმუცელობით, არა ქონების მოხვეჭის მცდელობით, და მერე უგუნური ფლანგვით, არამედ მძიმე და მუდმივი მოვალეობის შესრულებით, ჩვენი ცხოვრების გზა, უწინარესად, უნდა იქცეს მორალურ აღმართად, სადაც, გზის დასასრულს, წარმოდგენლად სულიერად ამაღლებულ ქმნილებად წარვდგებით. ცხადია, უნდა გადავხედოთ საყოველთაოდ მიღებულ ფასეულობათა შკალას და გავოცდეთ ჩვენი არაადექვატურობითა და ცდომილებით“.

ცნობილი ჩილელი პოეტი, ნობელის პრემიის ლაურეატი (19716) პაბლო ნერუდა (1904-1973) შემდეგს წერდა: „ნელ-ნელა კვდება ის, ვინც ჩვევების მონა ხდება, ყოველდღიურად ერთსა და იმავე გზას თელავს და რისკზე არ მიდის. ნელ-ნელა კვდება ის, ვინც თავს არიდებს განცდებს ან ემოციებს, გრძნობებს, რომლებიც თვალებს აელვარებენ, ღიმილს გვრიან, გულს აჩქარებენ. ნელ-ნელა კვდება ის, ვინც არ ცდილობს, თავდაჯერებულობა

უკუუაგდოს, რათა მიეცეს ოცნებას, მშვიდობიან ოცნებას. ნელ-ნელა კვდება ის, ვინც საკუთარ სიყვარულს ანადგურებს, ვინც დახმარებაზე უარს ამბობს, ვინც გამუდმებით საკუთარი უიღბლობის გამო წუნუნებს. ნელ-ნელა კვდება ის, ვინც დასაწყისშივე უარს იტყვის დასახულ მიზანზე... ცოტათი მაინც თავს ავარიდებთ ნელ-ნელა სიკვდილს, თუკი გვეხსომება, რომ სიცოცხლე იმაზე მეტ ძალისხმევას მოითხოვს, ვიდრე ეს, უბრალოდ, სუნთქვაა“.

ჯეინ დებრაინის სიტყვებით კი: „გისურვებ, ისე იცხოვრო, რომ ფულმა არ მოგისყიდოს; გისურვებ, ისე იცხოვრო, რომ გერქვას მხოლოდ ადამიანის სახელი; გისურვებ, ისე იცხოვრო, რომ არავინ გაიხადო მსხვერპლად; გისურვებ, ისე იცხოვრო, რომ ეჭვებისა და ქილიკისგან თავი შეიკავო; გისურვებ, ისეთ სამყაროში გეცხოვროს, სადაც ყველას ექნება უფლება, მოძმედ და მოყვასად გექცეს“.

აი, პატარ-პატარა რჩევები, რომელიც ამოღებულია პაპი იოანე XXIII-ის (1881-1963) „ყოველდღიურობის დეკალოგიდან“:

„დღეს მხოლოდ იმას შევეცდები, ისე ვიცხოვრო, რომ არ მოვინდომო მთელი ჩემი პრობლემების ერთხელ და სამუდამოდ გადაჭრა; მხოლოდ დღეს ვიზრუნებ ჩემს გარეგნობაზე: ჩავიცვამ სადად, ხმას არ ავუნწე, ვიქნები თავაზიანი, არავის გავაკრიტიკებ, გარდა ჩემი თავისა, არავის გამოსწორებას ან გაუმჯობესებას არ შევეცდები; მხოლოდ დღეს გავიხარებ იმის შეგნებით, რომ ბედნიერებისთვის ვარ გაჩენილი, არა მარტო სხვა სამყაროში, არამედ აქაც; მხოლოდ დღეს ვიმოქმედებ გარემოების შესაბამისად, და არ მოვინდომებ, რომ გარეშობა მოერგოს ჩემს სურვილებს; მხოლოდ დღეს დავუთმოზ ათ წუთს სიჩუმეში ღმრთის მოსმენას და გავიხსენებ, რომ როგორც საკვებია სხეულისთვის აუცილებელი, ასევე აუცილებელია სულისთვის — სიჩუმე და ღვთის მოსმენა; მხოლოდ დღეს დავეთსავ სიკეთეს და არავის გაფუშხელ ამის შესახებ; მხოლოდ დღეს შევადგენ გეგმას, რომელსაც, შეიძლება სავსებით არა, მაგრამ მაინც შევასრულებ; მხოლოდ დღეს შევიცნობ მთელი გულით, გარეგნული ნიშნების მიუხედავად, რომ შემოქმედი ჩემზე ისე ზრუნავს, როგორც სხვა არავიზე; მხოლოდ დღეს არ შემეშინდება, დავტკბე მშვენიერებით და მწამდეს სიყვარულის.

თავისუფლად შემიძლია, 12 საათის განმავლობაში გავაკეთო ის, რაზე ფიქრიც კი შემაძრწუნებდა, თუკი ეს მთელი ცხოვრება უნდა მეკეთებინა“.

უნებურად შემოდიან ეს რჩევები ჩვენს ცხოვრებაში და, ღვთისმშობლის მზრუნველ კალთას შეფარებულნი, შევთხოვთ მას მამა გრანდმასიონის ამ ლოცვით:

„წმიდაო მარიამ, დედაო ღვთისაო, შემინარჩუნე ბავშვივით სუფთა და წყაროსავით კამკამა გული, სათნო გული, რომელიც არ დანებდება სევდას და ნალველს, მონყალე გული ძღვენის გასაცემად: ნაზი გრძნობებით სავსე გული, ერთგული და ღია, რომელიც სიკეთეს არ დაივიწყებს და ცუდს არ გაიკარებს. შეჰქმენი ჩემში სათნო და მდაბალი გული, რომელსაც შეუძლია სიყვარული და სხვა გულებისთვის მისი გაზიარება, რათა ასე სწირავდეს მსხვერპლს შენი ღვთიური ძის წინაშე. ამინ“.

მამა გაბრიელე პრაგანტინი

გამოცხადებული ტერაქტის

ძრონიაკა

გასული წლის 31 ოქტომბერს ალ ქაედამ განაცხადა, რომ პასუხისმგებლობას იღებს ბალდადის კათოლიკურ ტაძარზე თავდასხმაზე და აძლევს „ეგვიპტის ეკლესიას 48 საათს, რათა გაათავისუფლოს მონასტრის ტყვეობიდან ჩვენი მუსლიმი დები და მას-მედიის საშუალებებით გაავრცელოს ინფორმაცია მათი გათავისუფლების შესახებ“. საუბარი იყო კოპტი მღვდლების მეუღლეებზე, კამელია შეჰათასა და ვათა კონსტანტინეზე. ტერორისტების განცხადებით, მას შემდეგ, რაც ამ ორმა ქალბატონმა ისლამი მიიღო, ისინი მონასტრებში გამოკეტეს და არაფერია ცნობილი მათი მდგომარეობის შესახებ. ეკლესიის წარმომადგენლთა განცხადებით, ეს ინფორმაცია მცდარია, კამელია შეჰათასა და ვათა კონსტანტინეს აღმსარებლობა არ შეუცვლიათ და მონასტერში საკუთარი გადანყვეტილებით ცხოვრობენ.

2 დეკემბერს ალ ქაედას ვებგვერდზე Shumukh al-Islam გამოქვეყნდა ეგვიპტის, საფრანგეთის, გერმანიისა და დიდი ბრიტანეთის კოპტთა ტაძრების სია და მოწოდება, რომელშიც ნათქვამია: „გაიღვიძეთ და იფხიზლეთ! ყოველი მუსლიმი, რომელსაც ჩვენი დების ღირსება აღელვებს, თავს უნდა დაესხას მათ. შობას, როდესაც ერთად შეიყრებიან“.

ალექსანდრიის კოპტურ ტაძართან აფეთქების ხმა გამოცხადებულ ვადაზე ერთი კვირით ადრე, 1 იანვრის ღამეს, 00 საათსა და 30 წუთზე გაისმა. ღმრთისმსახურება ახალი დამთავრებული იყო და მორწმუნეები ეკლესიიდან გამოდიოდნენ. აფეთქებამ 23 ადამიანი იმსხვერპლა. ასზე მეტი მორწმუნე მძიმედ დაშავდა. პასუხისმგებლობა ტერაქტზე ჯერჯერობით არავის აუღია.

მსოფლიოს ზოგიერთ რეგიონში ბოლო წლების მანძილზე თავდასხმები ქრისტიანებზე, შეიძლება ითქვას, ყოველდღიურ რეალობად იქცა. რამდენიმე წელია, წმიდა საყდრის წარმომადგენლები საერთაშორისო საზოგადოებრიობას მზარდი ქრისტიანოფობიის პრობლემაზე მიუთითებენ. ეს ფენომენი არანაკლებ ძალისხმევასა და მიზანმიმართულებას მოითხოვს, ვიდრე ისლამოფობია და ანტისემიტიზმი.

„ძალადობის ამ სტრატეგიის სამიზნე ქრისტიანები არიან, შედეგებს კი ქვეყნის მთელი მოსახლეობა იძკის. ეს სიკვდილის მდაბიო შესტია, რომლითაც ქრისტიანთა საკუთარი სახლებიდან განდევნას ცდილობენ. ამგვარი შესტი შეურაცხყოფს ღმერთს და მთელ კაცობრიობას, რომელიც ჯერ კიდევ გუშინ ლოცულობდა მშვიდობისთვის და ახალი იმედებით ხვდებოდა ახალ წელს“, — აღნიშნა უწმიდესმა პაპმა 1 იანვარს, მშვდობის მსოფლიო დღისადმი მიძღვნილ სიტყვაში.

„თავდასხმა არ ემსახურება ისლამს, არაფერი აქვს მასთან



საბა

ვანეებმა დაგმეს „მკვლელობათა და ტერორისტულ თავდასხმათა ტალღა, ტერორისტული ჯგუფების ყველა მცდელობა, აიძულონ ქრისტიანები, გაიხიზნონ თავიანთი სახლებიდან და თავიანთი ქვეყნიდან“.

მოსკოვისა და სრულიად რუსეთის პატრიარქმა კირილემ თავის სამძიმარში შენუდა III-ადმი გამოთქვა იმედი, რომ დამნაშავენი დამსახურებულ სასჯელს მიიღებენ: „ბოროტმოქმედთა ჭეშმაირტ ზრახვებს არაფერი აქვს საერთო რელიგიასთან და მხოლოდ პოლიტიკური მიზნების მიღწევისკენაა მიმართული“. თავის წერილში მოსკოვის საპატრიარქოს საგარეო კავშირების განყოფილების თავმჯდომარემ მიტროპოლიტმა ილარიონმა აღნიშნა, რომ თავდასხმა „რელიგიური შუღლის შემდგომ გაღვივებას ისახავს მიზნად. ტერორისტების მოქმედებებს არაფერი მოაქვს უბედურების, ცრემლისა და ტანჯვის გარდა, და ცივილიზაციას თვითგანადგურებით ემუქრება“.

10 იანვარს უწმიდესმა პაპმა მოუწოდა საერთაშორისო საზოგადოებრიობას და, განსაკუთრებით, მუსლიმური ქვეყნების ლიდერებს, მეტი იღვანონ ქრისტიანულ უმცირესობათა დაცვისთვის. პონტიფექსმა კვლავ დაგმო ბოლოდროინდელი თავდასხმები ეგვიპტეში, ერაყსა და ნიგერი-

აში და რელიგიური შუღლის აღმოფხვრის უფრო ეფექტური ზომების აუცილებლობაზე მიუთითა.

ეკლესია ინდოეთის ფერმერთა მხარდამხარ

„ბრძოლა, რომელსაც ფერმერთა და მათი მიწების დასაცავად ვაწარმოებთ, გრძელდება. ეს სამართლიანობისთვის ბრძოლაა, რომელიც ასევე ევანგელიზაციის ნაწილია“, — აღნიშნა კარდინალმა ტელესფორ ტოპომ. ინდოეთის ეკლესია მხარს უჭერს 5000 გავიცულ ფერმერს, რომელთაც სრული გაკოტრება ემუქრებათ, ბამბის მოუსავლიანობისა და სახელმწიფო დახმარების დაგვიანების გამო.

პროტესტის მხარდაჭერის გარდა, ეკლესია კონკრეტულ მატერიალურ დახმარებას უწევს დაზარალებულებს. კრიტიკულ რეგიონებში კარიტასი ფერმების რეგენერაციის პროგრამას ახორციელებს.

ყოფილი ანგლიკანები ტაძრების გარეშე

კათოლიკე ეკლესიის წიაღში დაბრუნებული ანგლიკანები ჯერჯერობით ღმრთისმსახურების ადგილის გარეშე რჩებიან. ტაძრების ერთობლივი გამოყენება, თუნდაც დროებითი, გამორიცხულია. ამრიგად, ბევრი ანგლიკანისთვის კათოლიკობის მიღება ერთობ დრამატული ნაბიჯია. მათ ხომ ის ტაძარი უნდა დატოვონ, რომელშიც მთელი ცხოვრების მანძილზე ლოცულობდნენ.



2

საბა

3

კათოლიკე ეკლესიის მიერ პერსონალური ორდინარიატ-ისთვის საგანგებოდ გამოქვეყნებული ხელმძღვანელობა ადასტურებს სამოძღვრო სტრუქტურების აუცილებლობას. ორდინარიატს ეკლესიები სჭირდება, ასევე, ახალი ტაძარიც, რომელიც კათედრის ეკვივალენტი უნდა გახდეს.

კიდევ ერთი პრობლემა ყოფილ მოძღვართა და მათი ოჯახების მატერიალური უზრუნველყოფაა. ინგლისისა და უელსის საეპისკოპოსო ამისთვის 250 000 გირვანქა სტერლინგი გამოყო. გარკვეული თანხები კერძო პირებმაც გაიღეს.

ახალი ორდინარიატი აღდგომისთვის ამოქმედდება. მის პირველ მეთაურად უნმიდესმა პაპმა მამა კეიტ ნიუტონი და-ნიშნა.

ვენის ეპისკოპოსი ქუჩის ბავშვების დასახმარებლად

ქუჩის ბავშვებთან სოლიდარობის დღის აღსანიშნავად, ვენის ეპისკოპოსმა ფრანც შარლმა და სალუზიელთა ორდენ-მა ამ პრობლემისადმი საზოგადოების ყურადღების მიპყრო-ბა განსაკუთრებული აქციით გადაწყვიტეს.

20 იანვარს, დღის 10 საათიდან, ვენის უნივერსიტეტის მთავარი კორპუსის წინ, ეპისკოპოსი ფეხსაცმლის მწმენდა-ვის სამუშაოს ასრულებდა და ამგვარად ქუჩის ბავ-შვებისთვის ფულს აგრო-ვებდა.



ავსტრიაში ეს პრობლე-მა არ არის, მაგრამ დღეს მსოფლიოში ოცდაცამეტი მილიონი უსახლკარო ბავ-შვია. ამ აქციით ავსტრი-ის ეკლესია საზოგადოებ-ის გამოფხიზლებასა და მზრუნველობამოკლებულ-თათვის რეალურ დახმარე-ბას შეეცადა.

უნიმდისი პაპი პროტესტანტებთან ურთიერთობის შესახებ

ამონარიდი წიგნდან „ხალხთა ნათელი“

„უპირველეს ყოვლისა, არ უნდა დაგვაგინყდეს პროტეს-ტანტიზმის მრავალფეროვნების შესახებ. ლუთერელები მხოლოდ მისი ნაწილია, ისევე, როგორც რეფორმატორები, მეთოდისტები და სხვები. უნდა აღინიშნოს ე. წ. თავისუფალი ეკლესიები, რომლებიც ძალზე დინამიკურად ვრცელდებიან მსოფლიოს სხვადასხვა რეგიონებში და თავიანთ რელიგიურ ტექტონიკას ცვლიან. ამიტომ, როდესაც პროტესტანტიზ-მთან დიალოგზე ვსაუბრობთ, მისი მრავალფეროვნება უნდა გვახსოვდეს.

თუმცა უნდა აღინიშნოს, რომ პროტესტანტთა მიერ ბო-ლო დროს გადადგმულმა ნაბიჯებმა რამდენადმე დაგვა-ცილეს ერთმანეთს. ვგულისხმობ ქალთა ხელდასმას, ჰო-მოსექსუალურ ქორწინებებს და ა. შ. არსებობს ასევე სხვა ეთიკური პოზიციებიც, რომლებიც ართულებენ დიალოგს.

როგორც ქრისტიანებმა, უნდა ვიპოვოთ საერთო საფუძ-ველი, ერთად ვეძებოთ მნიშვნელოვან საკითხთა გადაწყვე-ტის გზები, გავერთიანდეთ ქრისტეს — ცოცხალი ღმრთის მონებობაში. სრული ერთობა უახლოეს დროს ვერ აღდგება, მაგრამ უნდა განვახორციელოთ ჩვენი ერთობლივი მისია — მონებობა“.



მონღოლეთი: 20 წელი კათოლიკეებთან ერთად

მონღოლეთის კათოლიკე ეკლესია 20 წლისაა. ევანგელი-ზაციას ამ ქვეყანაში სხვადასხვა ქვეყნის მისიონერები ახ-ორციელებენ. ეკლესია წარმატებით ეწევა მსახურებას ისეთ სფეროებში, როგორიცაა ქველმოქმედება, განათლება, სო-ციალური პროექტები.

ეკლესიის საქმიანობას ამ ქვეყანაში უკვე მოაქვს კეთილი ნაყოფი: „ხელისუფლება კეთილგანწყობილია ეკლესიის მი-მართ. საერთოდ, მტრულ გამოვლინებებს იშვიათად ვხვდე-ბით. ზოგჯერ მცირე დაბრკოლებებს ვაწყდებით, მაგრამ არა ზოგადად ეკლესიის, არამედ პიროვნულ დონეზე. მა-გალითად, ხანდახან ვიზების მიღება ფერხდება. ქვეყანაში უკვე არის სამოციქულო პრეფექტურა, გვყავს ეპისკოპოსი. დღეს მონღოლეთში 10 კათოლიკური სამრევლოა. აქედან 3 — ულან-ბატორში. მისიის შემდგომი განვითარება დამოკი-დებულია იმაზე, თუ რამდენად ღიაა მონღოლი ხალხი რწმე-ნისთვის“, — ამბობს მამა ვიქტორ ჯურჯა, მონღოლეთში მოღვაწე სალუზიელი.

საფრანგეთი. მრევლი ეპისკოპოსის წინააღმდეგ

9 იანვარს ავინიონის რამდენიმე ასეული კათოლიკე მთა-ვარეპისკოპოსის რეზიდენციის წინ შეიკრიბა. მდუმარე აქ-ციის მონაწილენი მთავარეპისკოპოს ჟან პიერ მარი კატენოს ქმედებებს აპროტესტებდნენ. როგორც ფრანგული კათო-ლიკური გაზეთი „La Croix“ წერს, მრევლის უკმაყოფილება რიგი მიზეზებითაა გამოწვეული: ეპარქიის კუთვნილი სახ-სრების არამიზნობრივი ხარჯვა, ადგილობრივი მღვდელე-ბის სხვა ეპარქიებში გადაყვანა და უცხოეთიდან მოწვე-ული ახალგაზრდა მღვდელების დანიშვნა, მრევლის აზრის უგულებელყოფა. ეპისკოპოსის მოწინააღმდეგეთა აზრით, უცხოელი ახალგაზრდა მღვდელები არ არიან მზად საფრან-გეთში მსახურებისთვის, თანაც ეს დიდ ხარჯებთანაა დაკავ-შირებული. გაზეთისთვის „Le Monde“ მიცემულ ინტერვიუში, მთავარეპისკოპოსმა კატენომ უარყო ამგვარი ბრალდებები და აღნიშნა, რომ უცხოელ მღვდელებს „ახალი ევანგელიზა-ციის“ მოტანა შეუძლიათ. „მღვდელების რაოდენობა ჩვენს ეპარქიაში კლებულობს. ისინი, ვინც დარჩნენ, ბერდებიან. ახალგაზრდების ევანგელიზაციისთვის ახალგაზრდებია სა-ჭირო“, — აღნიშნა მთავარეპისკოპოსმა.

„აღნიშნულ პრობლემათა გარდა, პრობლემას თავად ეპ-ისკოპოსის პიროვნება წარმოადგენს. იგი ძალზე ბრუტა-ლური და ხისტია. თავისი ქმედებით იგი უპატივცემულობას გამოხატავს მათ მიმართ, ვინც მასთან ერთად მუშაობს“, — აღნიშნა აქციის მონაწილე რენე მულენასმა რეგიონული გა-ზეთისთვის „Le Dauphine Libere“ მიცემულ ინტერვიუში.

მოამზადა რუსუდან ავალიშვილმა

საქართველოს პრეზიდენტის სტუმრობა თბილისის კათედრაში

2010 წლის 25 დეკემბერს, თბილისის მარიამის ზე-ცად აღყვანების კათედრალურ ტაძარში აღვლენილ საშობაო-საზეიმო ლიტურგიას უკვე მეორედ დაესწრო საქართველოს პრეზიდენტი (სურ. იხ. გარეკანზე).

2009 წელს, საშობაო ლიტურგიაზე საქართველოს პრეზიდენტის დასწრებამ და საქართველოს კათოლი-კეებისადმი დიდი ქრისტიანული დღესასწაულის საჯა-რო მილოცვამ სიხარული მოჰგვარა მილოცვის მრა-ვალრიცხოვან ადრესატსაც და სხვა ქრისტიანული ეკლესიების წარმომადგენლებსაც. ეს ვიზიტი გახლდათ მესიჯი ყველა მოქალაქისადმი, რომ საქართველო არ ლა-ლატობს ტოლერანტობის არჩეულ კურსს და ქვეყანაში ყველა კონფესიის წარმომადგენელი თანაბარ პატივისცე-მასა და დაფასებას უნდა გრძნობდეს. ამასთანავე, ზოგი ეკლესიის აშკარა პრორუსული განწყობის ფონზე, ქვეყ-ნის პირველი პირის ვიზიტი კათო-ლიკეებთან, ერთგვარი მინიშნებაც გახლდათ მათთვის, რომ ამ სახელ-მწიფოში პატრიოტულად განწყო-ბილი და ქვეყნის მიერ არჩეული დასავლური კურსის ერთგული ეკ-ლესიებიც ფუნქციონირებენ. ერთი სიტყვით, პრეზიდენტის სტუმრობა, მხოლოდ თავაზიანობის ვიზიტი და ტოლერანტობის საჯარო დამოწმე-ბა კი არ იყო, არამედ საკმაოდ შორს გამიზნული, ღრმა შინაარსის პოლი-ტიკური ნაბიჯი.

2010 წლის 24 დეკემბერს საქარ-თველოს პრეზიდენტი მესტიაში იმყოფებოდა და თბილისის კათო-ლიკურ კათედრალს ქვეყნის პრემიერ-მინისტრი ნიკა გილაური, უშიშროების საბჭოს მდივანი გიგა ბოკერია, პრეზიდენტის ადმინისტრაციის ხელმძღვანელი დავით ტყემელაშვილი და უმრავლესობის წევრები ესტუმრნენ და ღამის ლიტურგიაში მიიღეს მონაწილეობა.

წმ. წირვის დასრულებისას, საქართველოს პრემიერ-მინისტრმა, ბატონმა ნიკა გილაურმა ტაძარში შეკრებილ მორწმუნეებს კათედრიდან მიულოცა შობის დღესასწა-ული: „**დღევანდელ დღეს, — განაცხადა პრემიერ-მინის-ტრმა, — მთელი კათოლიკური სამყარო აღნიშნავს შო-ბის ბრწყინვალე დღესასწაულს და მინდა, მივულოცო ეს დღესასწაული მთელი მსოფლიოს კათოლიკეებს, განსა-კუთრებით კი — საქართველოს კათოლიკეებს. ყველას, ვინც აღნიშნავს ამ დღესასწაულს, მინდა, ვუსურვო წარ-მატება, გამარჯვება, ვუსურვო ბედნიერება და მშვიდო-ბა, ჯანმრთელობა. და ასევე, მინდა, ვისარგებლო შემ-თხვევით და ყველას ვუსურვო დამდეგი ბედნიერი 2011 წელი. მე ამაყი ვარ, რომ თქვენთან ვარ“.**

25 დეემბერს, დღის საზეიმო, საშობაო წირვას მესტი-იდან დაბრუნებული საქართველოს პრეზიდენტი დაეს-წრო. მან ტაძარში შეკრებილ მრევლს და სრულიად სა-ქართველოს კათოლიკე მორწმუნეებს მაცხოვრის შობის

დღესასწაული მიულოცა:

„მინდა, მოგილოცოთ ქრისტეშობის ბრწყინვალე დღე-სასწაული და გითხრათ, რომ ჩემთვის დიდი პატივია აქ, თქვენს წინაშე წარდგომა. ყველა თქვენგანის ოჯახს ბედ-ნიერებას, სიხარულსა და წარმატებას ვუსურვებ; ღვთის მაღლი არ მოკლებოდეს თითოეული ქართველი კათოლი-კეს და არაკათოლიკეს ოჯახს. სამწუხაროდ, გუშინ მესა-ზე მოსვლა ვერ მოვახერხე, მაგრამ თქვენთან სვანეთი-დან დაბრუნებისთანავე მოვედი. აქედან მივდივარ მის უწმინდესობა საქართველოს კათალიკოს-პატრიარქთან, რათა აღსაყდრების წლისთავი მივულოცო.

სიმბოლურია, რომ საქართველოში სხვადასხვა აღმსა-რებლობის წარმომადგენელი ცხოვრობს, მაგრამ ჩვენ გვაერთიანებს ერთი რამ — ჩვენი სამშობლოს სიყვარული, ღვთის რწმენა და ჩვენი სამშობლოს მომავლის რწმენა. მე დიდი სითბოთი ვიხსენებ არა მხოლოდ რომში, ოფ-იციალური ვიზიტის დროს, პაპთან, ბენედიქტე XVI-თან შეხვედრას, არამედ, ასევე, იოანე-პავლე მეორის ისტორიულ ვიზიტს საქართველოში. ამ ვიზიტის დროს, მე შევხვდი მას, მაშინ საქართვე-ლოს პარლამენტის წევრი ვიყავი. ეს განსაკუთრებული დღეები და გან-საკუთრებული მოვლენა იყო არა მხოლოდ კათოლიკეების, არამედ თითოეული ქართველისათვის, მათ-თვის, ვინც ყოველივე ამის მომსწრე გახდა.



ჩვენთვის ქართველი კათოლი-კეები საქართველოს ისტორიის განუყოფელი ნაწილია, ძალიან მნიშვნელოვანი ნაწილი ჩვენი კულ-ტურული, სულიერი, საგანმანათ-ლელო და, ზოგადად, საერთო ეროვნული და მრავა-ლენიკური ქართული მემკვიდრეობისა. მე არაერთხელ აღმინიშნავს იმ წვლილის შესახებ, რომელიც ქართველ კათოლიკეებს შეჰქონდათ საქართველოს ისტორიაში. ცნობილი კომპოზიტორი ზაქარია ფალიაშვილი დიდი ქართველი კათოლიკე იყო. ქართველი კათოლიკეები უკლებლივ ყველა სფეროში გვყავდა: გამოჩენილი კა-თოლიკე მეცნიერი, მამა მიხეილ თამარაშვილი, ასევე სულხან-საბა ორბელიანი, რომელიც საქართველოს დი-დი პატრიოტი და თანამედროვე ქართული პოლიტიკური აზროვნების ერთ-ერთი მამამთავარი და დამფუძნებელი იყო. ეს ურთიერთობა ჩვენი კულტურიდან, ჩვენი მრა-ვალსაუკუნოვანი გამოცდილებიდან მოდის, ისევე რო-გორც დღევანდელი ურთიერთობები წმინდა საყდართან ურთიერთობის საფუძველია.

განსაკუთრებით მაღლობელი ვარ, რომ ვატიკანი გა-ნუხრელად უჭერს მხარს საქართველოს დამოუკიდებ-ლობას, თავისუფლებასა და ტერიტორიულ მთლიანობ-ას. ამის შესახებ პირადად ვუთხარი რომის პაპს, მასთან შეხვედრისას. განსაკუთრებით მნიშვნელოვანია, რომ მსოფლიოში ყველაზე გავლენიანი რო-მის კათოლიკური ეკლესია (მსოფლიოში

ამ აღმსარებლობის წარმომადგენელთა რიცხვი ყველაზე დიდია) საქართველოს ინტერესების მხარდამჭერია; ამისთვის მინდა, დიდი მადლობა ვუთხრა კათოლიკური ეკლესიის წარმომადგენლებს, რადგან იმ პერიოდში, როდესაც საქართველოს დამოუკიდებლობა და ტერიტორიული მთლიანობა საფრთხის ქვეშ დააყენეს, რომის წმინდა საყდრის საკმაოდ გავლენიანი მხარდაჭერა ძალზე მნიშვნელოვანი იყო საქართველოსა და ჩვენი მომავალი ურთიერთობისათვის. ჩემი მხრივ, მინდა დაგარწმუნოთ, რომ თითოეულ თქვენგანს ქართული სახელმწიფოს მხარდაჭერის, სიყვარულისა და თანადგომის იმედი უნდა ჰქონდეს.

კიდევ ერთხელ გილოცავთ ამ დიდ დღესასწაულს, ვულოცავ ამ დღესასწაულს თქვენს მოძღვარს და მინდა, რომ ყველამ ერთად ვილოცოთ ჩვენი შვილებისათვის, ჩვენი ოჯახების, ჩვენი სამშობლოსა და ჩვენი საერთო მომავლისათვის“.

პრეზიდენტის მისალმების შემდგომ, კავკასიის ლათინური წესის კათოლიკეთა სამოციქულო ადმინისტრატორმა, ეპისკოპოსმა ჯუზეპე პაზოტომ ბატონ მიხეილ სააკაშვილს მადლობა გადაუხადა ყურადღებისა და კეთილი სურვილებისათვის და აღნიშნა, რომ საქართველოს პრეზიდენტის მობრძანება შობის დღესასწაულზე კათოლიკურ ეკლესიაში დიდი პატივია თითოეული კათოლიკესათვის. **„ბატონო პრეზიდენტო, თქვენი სტუმრობა ეს არის ლამაზი ნიშანი თქვენი ყურადღებისა ჩვენი ეკლესიის მიმართ. და ჩვენ გვინდა, რომ თქვენი ყურადღება მიმართული იყოს ყველა ქართველის მიმართ. თქვენი მილოცვა, თქვენი სურვილი ჩვენთვის არის პატივისცემის ნიშანი და მადლობელი ვართ ამისთვის“**.

საშობაო ლიტურგიაში მონაწილეობდა წმიდა საყდრის სადესპანოს მდივანი, მონსინიორ ფილიპო ჩამპანელი, რომელმაც, მისი და ვატიკანის ელჩის სახელით, პატივისცემა გამოხატა ქვეყნის პირველი პირის მიმართ, რომის პაპის, ბენედიქტე XVI-ის სახელით, საქართველოს პრეზიდენტს, მის ოჯახს და მთელ ქართველ ერს ყოველივე საუკეთესო უსურვა.

ბატონო პრეზიდენტო,

თქვენი უკვე მეორე სტუმრობა ამ ეკლესიაში დიდი პატივია ქართული კათოლიკური საზოგადოებისათვის. ყველა ჩვენგანი ამას აღიქვამს, როგორც აღიარებას იმ უამრავი გამოჩენილი კათოლიკე მოღვაწის დამსახურებისა, რომელთაც უდიდესი ამაგი დასდეს თავიანთ სამშობლოს.

საერთო ქრისტიანული რწმენა ჩვენს ეკლესიას განსაკუთრებით აახლოვებს საქართველოს მართლმადიდებელ ეკლესიასთან, რადგან ამ ორ ეკლესიას შორის საერთო გაცილებით ჭარბობს განსხვავებულს.



ბატონო პრეზიდენტო, ქართულმა კათოლიკურმა საზოგადოებამ კმაყოფილებით შეიტყო თქვენი შეხვედრის შესახებ პაპ ბენედიქტე XVI-სთან, მიმდინარე წლის მაისის თვეში, ქ. რომში. ამ შეხვედრის დროს წარმოთქმულმა თქვენმა სიტყვებმა იმედი ჩავვისახა, რომ შორს აღარაა ის დღე, როცა მოხდება საქართველოში კათოლიკური ეკლესიის ცნობა მისთვის შესაფერისი იურიდიული ფორმით.

ამ თქვენი ძალისხმევისა და მხარდაჭერისათვის, პატივი მაქვს, გამოვხატო საქართველოში დროებით არმყოფი წმიდა საყდრის დესპანისა და პირადად ჩემი უღრმესი პატივისცემა თქვენდამი და გადმოგცეთ პაპ ბენედიქტე XVI-ის გულითადი სალამი და საუკეთესო სურვილები თქვენ, თქვენს ოჯახსა და მთელ ქართველ ხალხს.

დაე, ქვეყანაში დაისადგუროს მშვიდობამ და კეთილდღეობამ,

ბოლო მოელოს იმ დაძაბულობას, რომელიც ამდენი ხანია ტანჯავს ამ მშვენიერ ერს, რათა ქვეყანა განვითარდეს ისე, როგორც მას შეეფერება.

ჩვენი საერთო სურვილია, და დარწმუნებულნიც ვართ, რომ საქართველოს სახელმწიფო ინსტიტუტებს მტკიცედ აქვთ გადაწყვეტილი, ქვეყნის ყველა მოქალაქისათვის უზრუნველყონ ის ძირითადი უფლებები, რომლებსაც მსოფლიოს ცივილებებული საზოგადოება ადამიანის უფლებებს უწოდებს, რათა საქართველომ თავისი კუთვნილი ადგილი დაიმკვიდროს მსოფლიოს ერთა შორის, რაც ამ ქვეყანამ თავისი დიდი და საამაყო ისტორიით დაიმსახურა.

ღმერთმა დალოცოს საქართველო!

ბატონო პრემიერ მინისტრო,

საქართველოში დროებით არმყოფი წმიდა საყდრის დესპანის სახელით, მსურს გადმოგცეთ წმიდა საყდრის მადლიერება ყურადღებისა და იმ დიდი პატივისათვის, რომელიც წმიდა შობადღის წინაღამეს თქვენი აქ მობრძანებით დასდეთ კათოლიკურ საზოგადოებას.

თქვენი სახით აქ წარმოდგენილია საქართველოს სახელმწიფო ინსტიტუტები, რომელთაც წმიდა მამა ბენედიქტე XVI გულითადად მიესალმება.

დარწმუნებული ვართ, რომ გულისხმიერების ეს და სხვა გამოხატულებანი დასტურია იმისა, რომ უკვე შორს აღარაა კათოლიკური ეკლესიისა და ზოგიერთი სხვა კონფესიისა თუ რელიგიის სათანადო და ღირსეული ფორმით ცნობა, რაც იქნება აღიარება იმ მნიშვნელოვანი წვლილისა, რომელიც ჩვენს მორწმუნეებს შეაქვთ ქვეყნის მშენებლობისა და წინსვლის საქმეში, ქვეყნისა, რომელიც სულ უფრო და უფრო ითვალისწინებს თანამედროვეობის მოთხოვნებს და, ამავე დროს, არც თავისი ფესვებიდან მომდინარე საუნჯეს ივიწყებს.

თქვენ და თქვენს ოჯახს გადავცემ დესპანისა და პირადად ჩემს გულითად სალამს და გისურვებთ ბედნიერ შობადღესა და ახალ წელს.

P.S. საქართველოს ტელე-არხებმა ფართოდ გააშუქეს პრეზიდენტის და პრემიერ-მინისტრის სტუმრობა თბილისის კათოლიკურ კათედრალში. ასევე, რომის პაპის, ბენედიქტე XVI-ის საშობაო მსახურება წმ. პეტრეს ტაძარში და საშობაო ქადაგება და ტრადიციული მილოცვა მსოფლიოსადმი, რომელსაც პაპი 65 ენაზე, მათ შორის ქართულადაც, წარმოთქვამს. ტელეარხებმა ვიდეო რგოლიც წარმოადგინეს, სადაც პაპის საშობაო მილოცვის ის ფრაგმენტია აღბეჭდილი, როდესაც წმიდა მამა ქართულ ენაზე წარმოთქვამს საშობაო მილოცვას. აქვე აღვნიშნავ, რომ, როგორც წესი, ტელეკომპანია „რუსთავი 2-ის“ საშობაო რეპორტაჟში აღარ ფიგურირებდა გამოთქმა „კათოლიკური შობა“, ეს არაზუსტი ფრაზა შეიცვალა ფრაზით — „გრიგორიანული კალენდარი“, რომელიც უფრო ზუსტი და უმტკივნეულო ფორმაა, ვიდრე „ახალი სტილი“, ტერმინი, რომელიც აღიზიანებს იულიუსის, ანუ ძველი სტილით მოქმედ ეკლესიებს. ხოლო ე.წ. ძველი სტილის ნაცვლად, ქართულ ტელესივრცეში პირველად უფრო ნე-

როგორ შეაგება ბათუმი ახალ წელს

ბათუმი ჩვენი ქვეყნის ერთ-ერთი მნიშვნელოვანი ქალაქი და სახმელეთო და საზღვაო კარიბჭეა. იგი დღითი-დღე მენდება და მშვენდება. ხელისუფლება დიდ ყურადღებას აქცევს მის კეთილმოწყობასა და განაშენიანებას. იზრდება ტურისტების ნაკადი, რაც, თავის მხრივ, ზრდის ქალაქისა და ქვეყნის შემოსავალს.

მე-20 საუკუნის დასაწყისში ბათუმში საკმაოდ ბევრი ქართველი კათოლიკე ცხოვრობდა. 1902 წელს გაზეთი „ივერია 61-ე ნომერში წერდა: „ბათუმი ძლიერ მალე იზრდება. დღეს 30 000-ზე მეტი მცხოვრებია აქ... ქალაქის ნახევარი ქართველობაა. მარტო ქართველ კათოლიკეთა რიცხვი 3500-4000 სულამდე გახლავთ“...

დღეს, სამწუხაროდ, კათოლიკეთა რიცხვი ბათუმში საგრძნობლად შემცირებულია. ბათუმის სულიწმიდის კათოლიკური ეკლესიის მრევლი 100 კაცზე ოდნავ მეტია.

ჩვენთვის დიდად სასიხარულოა, რომ იტალიის ქ. ვერონასა და ბათუმს შორის მეგობრობის ხიდი იდება. ვერონა ხომ ჩვენი ეპისკოპოსის ჯუზეპე პაზოტისა და ჩვენი მოძღვრის მამა გაბრიელე ბრაგანტინის მშობლიური ქალაქია. ვერონიდან ხშირად გვსტუმრობენ სტიმატინი მამები და მორწმუნეები. ისინი დიდ დახმარებას უწევენ ჩვენს საკრებულოს.

15 დეკემბერს ბათუმის თვითმმართველობის შვიდკაციანი დელეგაცია ბათუმის საკრებულოს თავმჯდომარის გიორგი კირთაძის ხელმძღვანელობით ვერონაში გაემგზავრა. ვიზიტის მთავარი მიზანი ორ ისტორიულ ქალაქს შორის მეგობრობის მემორანდუმის მომზადება-გაფორმება იყო. ვერონა მსოფლიოს ათამდე ქვეყანასთანაა დამეგობრებული. წელს იტალიის ამ უძველეს ქალაქს მსგავსი ინიციატივით სხვადასხვა ქვეყნის 40-მდე ქალაქმა მიმართა. ბათუმი სამი ქალაქიდან ერთ-ერთია, რომელთანაც ვერონას მუნიციპალიტეტმა დამეგობრების სურვილი გამოთქვა. მეგობრობის მემორანდუმი ბათუმსა და ვერონას შორის ეკონომიკის, განათლების, კულტურისა და ტურიზმის სფეროებში თანამშრომლობასა და ერთობლივი პროექტების განხორციელებ-

იტრალური ტერმინი „იულიუსის კალენდარი“ გამოიყენეს. ასევე მნიშვნელოვანია, რომ „რუსთავი 2-მა“ არც ის დაუმალა საქართველოს მოსახლეობას, რომ იულიუსის კალენდრით შობას, ავტოკეფალურ მართლმადიდებელ ეკლესიათა შორის, აღნიშნავენ მხოლოდ რუსეთის, სერბეთის, ათონის მთისა და საქართველოს ეკლესიები.

ქართველი კათოლიკეების მიერ შობის დღესასწაულის აღნიშვნასთან დაკავშირებით, ტელეკომპანია „რუსთავი 2“ გამოირჩეოდა კეთილგანწყობითა და სიმპათიით, პირველი არხი აკადემიურ ნეიტრალურობას იჩენდა, ხოლო ტელეკომპანია „იმედის“ საშობაო სიუჟეტში კი კვლავ იგრძნობოდა პროვინციალური ტენდენციურობა და მიკერძოებულობა. ასე რომ „იმედმა“, ნებისთ თუ უნელიეთ, კვლავ უიმედო არაკომპეტენტურობისა და მიკერძოების დემონსტრირება მოახდინა.

საქართველოს პრეზიდენტის საშობაო ვიზიტი იმ რელიგიურმა გაერთიანებებმა, რომლებიც ჩვენს ქვეყანაში მოქმედებენ და შობას გრიგორიანული კალენდრით აღნიშნავენ, დიდი სიხარულით მიიღეს, და ეს რელიგიურ უმცირესობათა მიმართ ქვეყნის პირველი პირისა და ხელისუფლების სულიერ თანადგომად აღიქვეს.

ნუზხარ ბარდაველიძე

ას ითვალისწინებს. ვერონა იტალიის ინდუსტრიული ზონის ცენტრიცაა და ცნობილია ხე-ტყისა და მარმარილოს წარმოებით. ბათუმის საკრებულოს თავმჯდომარემ გიორგი კირთაძემ და ვერონას მერმა ფლავი ტოზიმ ბათუმსა და ვერონას შორის დამეგობრების მემორანდუმს წინასწარ მოაწერეს ხელი. იტალიური მხარე საქართველოში აღმშენებლობის პროცესით დაინტერესდა.

„ვერონასთან დამეგობრება ჩვენთვის დიდი პატივია. იგი ჩვენთვის გამოცდილების გაზიარების თვალსაზრისითაც მეტად მნიშვნელოვანია, — განაცხადა დელეგაციის წევრმა, ბათუმის საკრებულოს საფინანსო კომისიის თავმჯდომარემ ეკატერინე თარგამაძემ.

ბათუმისა და ვერონას დამეგობრება იტალიაში მცხოვრები ქართველი კათოლიკეების მამუკა მეგენეიშვილის, ინგა ილურიძის და მისი მეუღლის ნუმრუდ ფომაევის მხარდაჭერამ განაპირობა. მემორანდუმი სავარაუდოდ რამდენიმე თვეში გაფორმდება და ვერონას მუნიციპალიტეტის შესასვლელში გამოფენილი დამეგობრებული ქალაქების გერბებს მალე ბათუმის გერბიც შეემატება.

საშობაო-საახალწლო დღესასწაულისათვის მზადება ბათუმში დეკემბრის შუა

► **8 მვ.**



რიცხვებიდან დაიწყო. 25 დეკემბრი-სათვის ქალაქის ქუჩები უკვე მორთუ-ლი იყო ილუმინაციებით და ბათუმი ღამით ზღაპრულ ქალაქს ჰგავდა.

შობის წმ. ნირვის სადღესასწაულო ფრაგმენტები აჭარის ტელევიზიამ 25 დეკემბერს გააშუქა. განსაკუთრებით ღამაში იყო პრეზეპე, რომელიც წელს ტაძრის შესასვლელი კარის ზემოთ მო-ეწყო და კიდევ უფრო მეტად გააღამ-აზა ტაძრი.

ჩვენთვის დიდად სასიხარულოა, რომ შობის ბრწყინვალე დღესასწაულ-ზე ქვეყნის პრეზიდენტი ეწვია თბი-ლისის საკათედრო ტაძარს, დაესწრო წმიდა წირვას და საქართველოს კა-თოლიკეებს შობის ბრწყინვალე დღე-სასწაული მოგვილოცა. ეს თანადგომა გვავსებს იმედით, რომ შორს არაა ის დღე, როდესაც კათოლიკე ეკლესია თავის კუთვნილ, ღირსეულ ადგილს დაიკავებს ჩვენს ქვეყანაში, რაც იურ-იდიულადაც გაფორმდება.

ბათუმის მოსახლეობა ძველთაგანვე გამოირჩეოდა თავისი ტოლერანტო-ბით. აქ ადამიანები ყოველთვის ფაქი-ზად ექცეოდნენ ერთმანეთის რელიგი-ურ გრძნობებს. ბათუმში ერთმანეთის გვერდით მშვიდობიანად და მეგობ-რულად ცხოვრობდნენ მაჰმადიანები, მართლმადიდებელები, კათოლიკეები, პროტესტანტები, ებრაელები და სხვე-ბი. სამწუხაროა, რომ დღეს ადგილი აქვს კათოლიკეებისა და რომის პაპის სანიინალმდეგო გამოხდომებს, რისი

პასუხგაუცემლობაც, ვფიქრობ, გამართლებული არ იქნება. ამ სადღესასწაულო დღეებში აჭარის ტელევიზიით შემდეგი სიუჟეტი გადაიცა: ბათუმის ყოფილი კათოლიკური ეკლე-სიის ფონზე გამოსახული პიროვნება, რომელიც პაპს ადან-აშაულებდა, რომ მან კალენდარიდან „გააქრო“ 13 დღე, რომ კათოლიკურმა ეკლესიამ ძალით გაავრცელა ევროპაში ეს კალენდარი და ასევე, ძალად შემოიტანა საქართველოშიც.

მიგვაჩნია, რომ კალენდარსა და ასტრონომიულ გამოთ-ვლებზე უნდა ილაპარაკონ მეცნიერებმა და კომპეტენტურ-მა პირებმა და არა, შემთხვევითმა პიროვნებებმა. მოსახლე-ობის უმრავლესობამ, რომელიც გათვითცნობიერებული არ არის ამ საკითხში შეიძლება დაიჯეროს მსგავსი დამახინჯე-ბული ფაქტები, მით უმეტეს, რომ ის აჭარის სახელმწიფო ტელევიზიით გადაიცა.

კათოლიკე ახალგაზრდების ჯგუფმა მთხოვა, მიმემართა კათოლიკური ეკლესიისათვის, რათა ამ ცილისმწამებლურ და დამახინჯებულ ინფორმაციას ჯეროვანი, დასაბუთე-ბული, კომპეტენტური პასუხი გაეცეს ამავე ტელევიზიით, რადგანაც აუცილებელია, რომ მეცნიერულად შესწავლილი და დასაბუთებული ინფორმაცია მიენოდოს მოსახლეობას.

საახალწლოდ პრეზიდენტმა და მთავრობამ ბათუმელებსა და ქალაქის სტუმრებს დიდი საჩუქარი გაუკეთა: 31 დეკემ-ბერს ერას მოედანზე გაიმართა გრანდიოზული საახალწლო კონცერტი, რომელშიც მონაწილეობას იღებდნენ: აჭარის სახელმწიფო ანსამბლი; სუბივილების ნაციონალური ბა-ლეტი; ზ. ფალიაშვილის სახელობის ოპერისა და ბალეტის აკადემიური თეატრის მოცეკვავეები ნინო ანანიაშვილის ხელმძღვანელობით; ბათუმის სახელმწიფო კაპელა; ცნობი-

ლი მომღერლები: ნანი ბრეგვაძე, სო-ფო ნიჟარაძე, სოფო ხალვაში, ვაჟა მა-ნია; კუბური ანსამბლი „ბუენა ვისტა“; ბრაზილიელი მოცეკვავეები, საცირკო ხელოვნების ოსტატები; ქართველი მოციგურავეები, ქეთევან გედევანიშ-ვილი და ოთარ ჯაფარიძე.

კონცერტის მთავარი მონაწილე და ბათუმის განსაკუთრებული სტუმარი იყო ცნობილი იტალიელი სოპრანო ან-დრია ბოჩელი.

თუმცა 31 დეემბერს ამინდი გაფუჭ-და და წვიმა წამოვიდა, ამან ვერ შეაშ-ინა ბათუმეები და ქალაქის სტუმრე-ბი, ერას მოედანი ხალხით იყო სავეს და ზეიმი გვიან ღამემდე გაგრძელდა. ნაირფერი ფეიერვერკებით განათებუ-ლი ცის ქვეშ ბათუმი მართლაც ზღაპ-რული სანახავი იყო.

აი, გასრულდა საშობაო დღეებიც. წინ ქრისტიანთა ერთიანობისათვის ლოცვის რვადღეულია, რომელსაც ყო-ველწლიურად სულ ურო მეტო ქრის-ტიანი უერთდება.

საშობაოდ კათოლიკეებმა კიდევ ერთი საჩუქარი მივიღეთ საეკლესიო კალენდრის სახით. იქ დაბეჭდილი ლოცვები და წმ. წერილის განმარტე-ბები დიდ დახმარებას გვიწვევს რწმე-ნის განმტკიცებაში, ღმრთის სიტყვის უკეთ შეცნობაში. მნიშვნელოვანია, რომ კალენდარში აღნიშნულია ქრის-ტიანული დღესასწაულები, მოცი-ქულთა, წმიდანთა, მონამეთა და სა-ქართველოს კათოლიკე მოძღვართა

ხსენების დღეები.

მოუთმენლად ველოდი წლევანდელ კალენდარს, მაგრამ გულისტკივილით მინდა აღენიშნო, რომ ვერც წლევანდელ კალენდარში ვიხილე ჩემთვის და, ვფიქრობ, არა მარტო ჩემ-თვის ძვირფასი მოძღვრის აბატი პეტრე ხარისჭირაშვილის ხსენების დღე. ადამიანი, რომელმაც მთელი თავისი ცხოვ-რება ღვთისა და მშობელი ხალხის სამსახურში გაატარა, რომელმაც შეუძლებელი შეძლო და იმ დროს სტამბოლში ქართველ კათოლიკეთა მონასტერი დააარსა, სადაც ალიზ-არდნენ მიხეილ თამარაშვილი, მიქელ თარხნიშვილი და ყვე-ლა ის მოძღვარნი, რომელნიც შემდგომში ემსახურებოდ-ნენ საქართველოს კათოლიკე მრევლს. მონასტერი, სადაც იბეჭდებოდა ქართულ ენაზე ლათინური წესის ლოცვანნი და ვრცელდებოდა საქართველოში. ეს იმ დროს, როდესაც თვით საქართველოს მართლმადიდებლურ ეკლესიებში რუ-სეთის ცარიზმის მიერ აკრძალული იყო ქართულ ენაზე წირ-ვა-ლოცვა.

ვფიქრობ, აბატი პეტრე ხარისჭირაშვილის ხსენების დღე აუცილებლად უნდა იყოს აღნიშნული ჩვენს საეკლესიო კა-ლენდარში და ვიმედოვნებ, ეს უყურადღებობა მომავალში მაინც გამოსწორდება.

ყველას მთელი გულით გილოცავთ ქრისტეშობასა და ახალ წელს. ღმერთმა დალოცოს საქართველოში მოღვაწე კათო-ლიკე მოძღვარნი და მრევლი, ყველა ჩვენი მეგობარი, ყველა კეთილი ნების ადამიანი განურჩევლად სარწმუნოებისა, ვინც უფლის გზით დადის და სიყვარულსა და სიკეთეს თესავს.

თეზგიზ პარმაძისიშვილი

მადლობა გულისხმიერებისათვის

სხვადასხვა მიზეზთა და გარემოებათა გამო, ჩემმა მშობ-ლებმა ბავშვობაში ვერ მომნათლეს და, მიუხედავად იმისა რომ ღმერთი მწამდა, ასე მოუნათლავმა განვვლე ჩემი ცხოვრების დიდი ნაწილი. თუმცა, უნდა ვთქვა, რომ ყო-ველთვის მქონდა მონათვლისა და ქრისტიანად გახდომის სურვილი.

როდესაც ჩემი სურვილი ეპისკოპოს ჯუზეპე პაზოტოსა და არლის მოძღვარს, მამა იეჟი შიმეროვსკის გავანდე, მათ მოიწონეს ჩემი განზრახვა, დიდი სულიერი თანადგომა გა-მოიჩინეს ჩემს მიმართ და ყოველმხრივ დამეხმარნენ.

მოვინათლე გიორგის სახელით, 2010 წლის 25 დეკემ-ბერს, შობის ბრწყინვალე დღესასწაულზე, არლის წმ. იოს-

ების ეკლესიაში, სადაც ჩემი შვილი, მ. მიშა სურმავა ეწევა მსახურებას.

ღმერთს მადლობას ვწირავ ასეთი დიდი მადლისათვის. „საბას“ მეშვეობით მინდა, მადლობა ვუთხრა ჩვენს საყ-ვარელ ეპისკოპოსს, ჯუზეპე პაზოტოს და ძვირფას მოძ-ღვარს, მამა იეჟის, რომელმაც ქრისტეს საიდუმლოებებს მაზიარა, ასევე, ქრისტინე ვარდიძესა და მალხაზ ჩილინგა-რაშვილს, რომლებიც, მ. იეჟისთან ერთად, კატეხიზაციებს მიტარებდნენ.

პატივისცემით,

ლერი-გიორგი სურმავა

„კარიჭასის“ წევრების უხვედრა მამა იეჟისთან

ქუთაისის „კარიტასის“ წევრებისთვის მამა იეჟი პი-ლუსთან შეხვედრა თითქმის დღესასწაულის ტოლფასია. ჩვენ საშუალება გვეძლევა, რამდენიმე საათი გავატაროთ იმ პიროვნებასთან, რომელიც გვიყვარს, რომელსაც ყო-ველთვის ესმის ჩვენი; მასთან ურთიერთობა სულიერად გვზრდის და ერთმანეთთან გვაახლოებს.

2010 წლის 17 დეკემბრის შეხვედრის თემა ქრისტიანულ გულმონყალებას ეხებოდა.

მამა იეჟიმ შეხვედრა სახარებით დაიწყო. სწორედ სახა-რება გვასწავლის ქრისტიანულ გულმონყალებას. ამიტომ როდესაც გულმონყალებაზე ვსაუბრობთ, მისი მთავარი წყარო არ უნდა დავივინყოთ. ყოველთვის უნდა ვიცხოვ-როთ სახარებისეული პრინციპებით, ის ჩვენი ცხოვრების, ჩვენი საქმიანობის სტიმული უნდა გახდეს, რადგანაც იმ სულისა და იმ სტიმულის გარეშე, რასაც სახარება გვაძ-ლევს, რაც არ უნდა კარგი მუშაკნი ვიყოთ, არაფერი გამოგ-ვივა ისე, როგორც სიყვარულს — „კარიტასს“ შეეფერება. კარიტასის ორგანიზაცია ხომ სახარებისეულ ფასეულობ-ებზეა დამყარებული. ყოველი მორწმუნე ადამიანის ცხოვ-რებისეული მიზანი ცათა სასუფეველის მოპოვებაა, ხოლო თუ როგორ მოვიპოვოთ ის, ამაზე სახარება პასუხობს.

ღმერთი განსაკუთრებით მფარველობს ჩაგრულ ადამი-ანებს, იგი გამუდმებით იცავს მათ. შემთხვევი-თი არ იყო, რომ ყურძნის დაკრეფის, ან ხორბლის აღების შემდეგ დარჩე-ნილ ნარჩენებს პატრონი ველარ მიუბრუნდებოდა, რადგან ის ღარიბებს ეკ-უთვნოდა. „კარიტასის“ მიზანიც სწორედ ღარი-ბების დახმარება, მათთან სიახლოვეა.

არიან ადამიანები, რომელთაც სიხარულს გვრის გაჭირვებულის დახმარება და ყოველ-თვის მზად არიან ამის-

თვის; იესოს სიყვარული გვაძლევს ძალას, ყოველგვარი წინააღმდეგობა ადვილად გადავლახოთ. წინააღმდეგო-ბათა გადალახვა და ერთმანეთისადმი სიყვარული — ეს არის კარიტასის მიზანი. ნებისმიერ საქველმოქმედო ორ-განიზაციებში არიან პროფესიონალი მუშაკები, მაგრამ, სიყვარულის გარეშე, ისინი დაკარგავენ ღარიბებთან სი-ახლოვეს.

ზოგჯერ კეთდება ბევრი პროექტი, სრულდება დასახუ-ლი გეგმები, მაგრამ არ ჩანს პიროვნებისადმი სიყვარული. „კარიტასში“ მომუშავე ყველა ადამიანს უნდა ჰქონდეს სიყვარულის განცდისა და, ასევე, მისი გაცემის უნარი; უნ-და ჰქონდეს რწმენა და დიდი გული, რათა თავადაც შეძ-ლოს დიდი სითბოს გაცემა. სწორედ ასეთი პიროვნებები მუშაობენ კარიტასში.

პაპის ენციკლიკაში „ღმერთი სიყვარულია“ საუბარია სიყვარულზე, არა როგორც მხოლოდ გრძნობაზე, არამ-ედ რაღაც უფრო დიდსა და მნიშვნელოვანზე. გრძნობა ნელდება, ან კვდება. ნამდვილი, ჭეშმარიტი სიყვარული კი მთლიანად მოიცავს ადამიანს. ენციკლიკაში საუბარია იმაზე, რომ, როცა ადამიანი შეხვედება ღვთის სიყვარულს, იგი მთლიანად მოიცავს მას, მიიზიდავს მის გონებას, გრძნობას. „ამ დროს, ღვთის

► 10 83.



ნების მიყოლით, ჩვენი ტვინი და გრძნობა ერთიანდება და მოცულია ერთი იდეით“, — ამბობს პაპი.

ჩვენ ხშირად სიყვარულის, სიკეთის გამომჟღავნების შიში გვაქვს, რადგან არ ვიცით, საით წავგიყვანს იგი. სამარიელს კი არ ეშინია ამისი და როცა ყაჩაღებისგან დაჩაგრულ, დაჭრილ ადამიანს დაინახავს, მიატოვებს თავის საქმეს და მის დასახმარებლად გაიქცევა, იზრუნებს მასზე, სასტუმროში წაიყვანს და მის მეპატრონეს ეტყვის: „იზრუნე მასზე და, თუ ზედმეტი ხარჯი მოგივა, რომ დავბრუნდები, მოგცემო“ (ლუკ. 10, 30-35). სამარიელი, დაჩაგრულის დახმარების შემდეგ, კი არ იხსნის ყოველგვარ მოვალეობას, არამედ ახალ ვალდებულებებსაც იღებს. სწორედ ეს არის ღვთის სიყვარული.

ნუ დავივინყებთ მიტოვებულ ადამიანებს, რომლებიც ჩვენს დახმარებას საჭიროებენ! ჩვენ, როგორც კარიტასის თანამშრომლებს, კარგად გვაქვს გათვითცნობიერებული ჩვენი მოვალეობები და პასუხისმგებლობა.

ჩვენი შეხვედრის მეორე ნახევარი ჯგუფურ მუშაობას დაეთმო, შევხეთ ყველა პრობლემას, რასაც ვაწყდებით ყოველდღიური საქმიანობისას, რაც ხელს გვიშლის საქმის

მეტი თანადგომა და გულისხმიერება

2010 წლის ოქტომბერში, ეპისკოპოს ჯუზეპე პაზოტოსა და „საქართველოს კარიტასის“ ხელშეწყობითა და თანადგომით, ახალციხის საკრებულოსთან დაარსდა „ახალგაზრდა ინვალიდთა ცენტრი“. ამ მიზნისთვის საკრებულომ გამოგვიყო საჭირო ინვენტარითა და სპეციალური მონყობილობებით აღჭურვილი ოთახი და სამზარეულო.

ცენტრში სულ თერთმეტი ახალგაზრდაა გაერთიანებული, მათ შორის, ოთხს ბინაზე ვაკითხავთ, ხოლო შვიდს — კვირაში სამჯერ უწევს ცენტრში ყოფნა, დილის 10-დან 14 საათამდე. გვემსახურება ავტომანქანა.

ცენტრში გაერთიანებულ ინვალიდებს ვასწავლით



უკეთ წარმართვაში. შევეცადეთ, მოგვეძებნა პრობლემების გადაჭრის ოპტიმალური გზები.

შეხვედრაზე განსაკუთრებული ყურადღება დაეთმო ბავშვებთან და მოზარდებთან მუშაობის საჭიროებას, რათა ისინი არ მიიზიდოს ქუჩამ, რომ თითოეულ მათგანს მიეცეს განვითარების საშუალება, მისი უნარისა და ნიჭის მიხედვით; კეთილგონივრულად განვიხილოთ მშობლებთან ურთიერთობის დროს წამოჭრილი პრობლემები.

სამწუხაროა, რომ ბევრი ფაქტი რეაგირების გარეშე რჩება. ამის მიზეზი მრავალგვარია: მატერიალური სახსრების სიმცირე, ხელმძღვანელი ორგანოების მხრიდან გულგრილი, ინდიფერენტული დამოკიდებულება, ტელევიზიისა და მას-მედიის მიერ ფაქტების გაყალბება და სხვ.

მიუხედავად ყველა პრობლემისა, რაც შეხვედრაზე წამოიჭრა, აუდიტორია შეთანხმდა, რომ მოთმინებით, მეტი ინფორმაციითა და ჩართულობით, მოხალისეების გააქტიურებით, მცირე პროექტების ამუშავებით და ქველმოქმედი ადამიანების მიზიდვით, შევძლებთ სასურველი მიზნის მიღწევას.

ნინო ჟღენტი, ნანა მიზანდარი

ხელსაქმეს, კერძოდ: ძერწვას, ჭრა-კერვას. ასევე, ვაჩვენებთ მხატვრულ კითხვას, ვუკითხავთ ლექსებსა და ზღაპრებს.

ცენტრის უკეთ მუშაობისა და ორგანიზების მიზნით, მისი წევრები, და პასკალინა, მელანო ჩილინგარაშვილი და ელზა ზუბაშვილი, თბილისსა და ქუთაისში გავემგზავრეთ ერთკვირიან სემინარებზე.

2010 წლის 6 დეკემბერი ცენტრის ბინადართათვის უჩვეულო და დაუვინყარი იყო, რადგანაც „მოხდა სასწაული“, და თავად წმ. ნიკოლოზი ეწვია მათ, ნიკოლოზობა მიულოცა და ტკბილეულითაც გაუმასპინძლდა. უნდა გენახათ მათი სახეები: ახალგაზრდების სიხარულს საზღვარი არ ჰქონდა, უზომო ბედნიერება იკითხებოდა მათ გაბრწყინებულ თვალებში.

საგულისხმოა, რომ საკრებულოს წევრებიც არ იცნეებენ ცენტრის ბინადართ და პერიოდულად სტუმრობენ მათ, ტკბილეულითა და საჩუქრებით ხელდამშვენებულები, ესაუბრებიან, საინტერესო ამბებს უყვებიან და ცდილობენ, ნორმალური ცხოვრება დაუბრუნონ მათ.

ამ შეხვედრების შემდეგ, ახალგაზრდები ყოველთვის აღფრთოვანებულები და კმაყოფილები ბრუნდებიან სახლებში და თავს სრულყოფილ ადამიანებად გრძნობენ. მართლაც, ისინიც ხომ ჩვენი საზოგადოების სრულუფლებიანი წევრები არიან.

ყოველთვის უნდა გვახსოვდეს, რომ მათ ჩვენი თანადგომა და უფრო მეტი გულისხმიერება სჭირდებათ, რათა თავი არ იგრძნონ საზოგადოებისაგან გარიყულებად და თავიანთ ტკივილთან მარტონი არ დარჩნენ.

უფალს ვთხოვ, უფრო მეტმა ადამიანმა გამოიჩინოს გულისხმიერება მათ მიმართ, რათა ის მძიმე ტვირთი, რაც მათ ბედმა არგუნა, ადვილად გადაიტანონ.

და პასკალინა

წმ. ნინოს დების კონგრეგაცია

ახალი ღმიდანები, რომლებიც ქრისტეს ეკლესიის ღმიდანთა გუნდს შეუერთდნენ

წმიდა მამამ, ბენედიქტე XVI-მ, 2010 წლის 17 ოქტომბერს ექვსი ნეტარი შერაცხა წმიდანად. მათთან ერთად, უთუოდ უნდა გავიხსენოთ კიდევ ოცდარვა წმიდანი, რომელთა კანონიზაცია ბენედიქტე XVI-ის პაპობის ხუთწლიან პერიოდში მოხდა. მათ შორისაა ბელგიელი დამიან დე ვაუსტერი (1840-1889), კეთროვანთა მოციქული, რომელიც 33 წლის ასაკში გაემგზავრა კუნძულ მოლოკაიზე, ჰავაის არქიპელაგზე, რათა ეზრუნა იქ გარიყულ კეთროვნებზე; ბენედიქტე XVI-მ ნეტარად შერაცხა ხუთასზე მეტი პიროვნება და მისი პაპობის პერიოდში, სწორედ ამ ფაქტთან დაკავშირებით, ყველაზე მეტი ცერემონიალი გაიმართა. 2007 წლის ოქტომბერში, ესპანეთის სამოქალაქო ომის დროს დაღუპული ოთხას ოთხმოცდათვრამეტი წამებულის სულის მოსახსენიებლად, წირვა აღევლინა. პაპის მიერ შერაცხულ ნეტართა სიაში არიან მ. იეჟი პოპიელუცკო და ახალგაზრდა კიარა ბადანო.

ქვემოთ, უფრო დეტალურად წარმოგიდგენთ ახალ წმიდანებს, რომლებიც ქრისტეს ეკლესიის წმიდანთა გუნდს შეუერთდნენ:

სტანისლავ კაზიმერჩიკ ზოლტისი STANISŁAW KAZIMIERCZYK SOLTYS (1433-1498): წმიდა სტანისლავ კაზიმერჩიკი XVI საუკუნეში მოღვაწე ბერ-მონაზონია; მორწმუნე ადამიანისთვის იგი უდიდესი მაგალითი და დაუდგრომელი მეოხია. მთელი მისი ცხოვრება ევქარისტიას უკავშირდება; პატარა სტანისლავი კაზიმირის (ამჟამინდელი კრაკოვის) korpus dominis ეკლესიაში ეზიარა რწმენას, იქვე წარმოთქვა სამღვდლო აღთქმა და იქვე მსახურობდა, როგორც მღვდელი, აღმზრდელი, გაჭირვებულთა შემწე. იგი განსაკუთრებული სიყვარულით იყო განწყობილი ევქარისტიის მიმართ; მთელი არსებით იძირებოდა უფლის სიკვდილისა და აღდგომის საიდუმლოში და ასე აღასრულებდა წმიდა წირვას;

ანდრე (ალფრედ) ბისეტი ANDRÉ (Alfred) BESSETTE (1845-1937): ალფრედ ბისეტი (საერო სახელი) 1845 წლის 9 აგვისტოს დაიბადა კანადაში, კვებეკის პროვინციის სოფელ სან-გრეგორი იბერვილში. იგი მერვე შვილი გახლდათ ისაკ ბისეტისა და კლოტილდა ფოისის ღარიბ ოჯახში. 9 წლისა მამით დაობლდა, 12 წლისას კი დედაც გარდაეცვალა; მასზე მზრუნველობა დეიდამ იკისრა, რომლის ეკონომიკური მდგომარეობა არცთუ სახარბიელო იყო; ალფრედმა, რომელსაც საარსებო ლუკმა-პურის მოპოვებისთვის უნდა ეზრუნა, დიდი გაჭირვებით

მოახერხა წერა-კითხვის შესწავლა. ფიზიკური სისუსტე მას სტაბილური მუშაობის საშუალებას არ აძლევდა, სულ რაღაც ორ წელიწადში მან რამდენიმე ხელობა გამოიცვალა კვებეკში; 1863-67 წლებში იგი პერიოდულად მუშაობდა აშშ-ში.

ალფრედ ბისეტი განსაკუთრებულ მონიწებასა და სიყვარულს იჩენდა წმიდა იოსების მიმართ; ისიც, მასავით უცხოეთში გადახვენილი, სილატაკეში ცხოვრობდა და საკუთარი შრომით ირჩენდა თავს. ამერიკიდან დაბრუნებულმა, თავის მოძღვარს დაუმტკიცა, რომ მისი რელიგიური მოწოდება და რწმენა ოდნავადაც არ განელებულა. მაშინ მოძღვარმა ურჩია, წმიდა ჯვრის კონგრეგაციაში შესულიყო. 1870 წლის ბოლოს, ალფრედი წმიდა ჯვრის მოძმეთა ნოვიციატში შევიდა და ეწოდა ძმა ანდრეა.

წმიდა ჯვრის კონგრეგაცია დაარსდა საფრანგეთში, მამა ბასილ მორუს მიერ. კონგრეგაციაში მოღვაწეობენ მღვდლები, ბერები და მონაზვნები. კანადაში ისინი 1847 წელს ჩამოვიდნენ ეპისკოპოსის მოწვევით და ფრანგული ენის შემსწავლელი სისტემა შექმნეს, რომელიც, ერთი საუკუნით ადრე, 1759 წელს გააუქმეს ინგლისელებმა, მაგრამ მათ ვერ მოახერხეს კათოლიკე და ფრანგი მოსახლეობის ასიმილაცია.

ბისეტის მოძღვარმა კონგრეგაციის ხელმძღვანელებს შემდეგი სახის უწყება გაუგზავნა: „გიგზავნით წმიდანს“. სუსტი ჯანმრთელობის გამო, ალფრედმა ნოვიციატში დროზე მეტხანს დაჰყო; რელიგიური აღთქმები მან 1872 წელს დადო. იგი დანიშნეს მონრეალის ნოტრ-დამის კოლეჯის კარისკაცად; ამ ადგილზე მან ორმოცი წელი დაჰყო; იგი, თავისებური იუმორით, ხშირად იმეორებდა: „40 წელი კარებთან გავატარე, მაგრამ გარეთ არავის გავუგდივარო“.

მართალია, ის კოლეჯის კარისკაცად მსახურობდა, მაგრამ თავისი გამჭრიახი გონებითა და იუმორის გრძნობით იგი სულ მალე ლატაკთა, სნეულთა და გაჭირვებულთა ნუგეშად იქცა, რომლებიც მას თავიანთ ლოცვებს ანდობდნენ.

30 წლის ასაკში მან უჩვეულო განკუთრნებები მოახდინა; 1878 წელს გაზეთები ავრცელებენ ხუთი უცნაური განკუთრნების ამბავს, რომელსაც მამა ანდრეას ლოცვებს მიაწერენ. ათასობით გაჭირვებული იდგა დღისით და ღამით მის კარებთან. მამა ანდრეა თავისი ლოცვით მიაწდობდა ყველა თანამოძმეს წმიდა იოსებს. იგი, ზეთის ლამპრით ხელში, მზურვალედ ლოცულობდა წმიდანის ქანდაკების წინაშე. 1894 წელს მამა ანდრეამ თავისი უფროსებისაგან თანხმობა მიიღო, რომ ქ. მონრეალის ახლოს, პატარა ხის სამლოცვე-



საგანგებო ჩანართი

ლო აეგო წმ. იოსების სახელზე; სამლოცველო 1904 წელს გაიხსნა და მრავალი მომლოცველის სამიზნედ იქცა. 1905 წლის ზაფხულში, მამა ანდრეას მთლიანად გადააბარეს სამლოცველო. გამრავლდა სასწაულებრი-ვი განკურნებებისა და ქრისტეს რწმენაზე მოქცევის ფაქტები, რის გამოც მას „ტრავმატოლოგი“ შეარქვეს. სამლოცველო მორწმუნეთა თავშეყრის ადგილად იქცა, მათ აქ მამა ანდრეას ქარიზმა იზიდავდა. მის სამოცი-ქულო საქმიანობაზე ზეგავლენას ვერ ახდენდა საეკ-ლესიო თუ საერო ხელისუფლება.

1917 წლის დეკემბერში, ეკლესიის ქვემოთ, პატარა კელია გახსნეს და საკურთხევის ქვაც აკურთხეს; მრავალი დაბრკოლების შემდეგ, წმიდა იოსების სახელზე გაებული ტაძარი ყველაზე დიდი წმიდა სავანე გახდა. ამ დიდი ტაძრის აგება 1955 წლის 15 მაისს დასრულდა, მაგრამ მ. ანდრეა ვერ მოესწრო მის დასრულებას, რად-განაც იგი 1937 წლის 6 იანვარს, 91 წლის ასაკში გარდა-იცვალა. მისი სიკვდილი ეროვნულ გლოვად გადაიქცა. 1951 წლიდან დაიწყო მისი კანონიზაციის პროცესი, ხოლო 1982 წლის 23 მაისს იგი ნეტარად შერაცხა პაპმა იოანე პავლე II-მ.

იულია სალძანო GIULIA SALZANO (1846-1929). მას შემდეგ, რაც პირველად ნაპოლეონის ბრძანებით, ხოლო შემდეგ იტალიის ახალი სამეფოს პარლამენ-ტის მიერ რვაასიან წლებში რელიგიური ორდენები გააუქმეს, ხელახლა და-იწყეს აღორძინება იმავე ორდენებმა და ახალმა რელიგიურმა კონგრეგა-ციებმა.

ამ პროცესმა მთელი იტ-ალია მოიცვა, განსაკუთ-რებით ნეაპოლი, სადაც უკვე არსებობდა გასაოც-არი ფენომენი ე.წ. „სახლის ბერმონაზვნობის“ ფორ-მით: ღვთივშენირული ადამიანები, რომელთა მოღვაწე-ობის არე არ სცილდებოდა საკუთარი სახლისა თუ უზნის ფარგლებს, ისინი იქ ლოცულობდნენ, შრომობდნენ და იტანჯებოდნენ; სახარებას, უპირველესად, საკუთარი წმიდა ცხოვრებით ამონწმებდნენ, ასევე, სხვათა დახმარე-ბით, სწავლებით, ობოლთა, სნეულთა და გაჭირვებულთა შეწევნით, მოკლედ, ყველა მათგანისადმი თანადგომით, ვისაც ამ პერიოდის სოციალურ-პოლიტიკურ ორომტრი-ალში სულიერი და ფიზიკური თანადგომა სჭირდებოდა.

ასე, გასაოცარი ლილიებზივით აღმოცენდნენ კონგრე-გაციები და ფონდები, რომელთა საქმიანობამ ჩვენამდეც მოაღწია. მათგან რამდენიმეს ჩამოეთვლით: მხევალი ღვთისა გელტრუდა გომეს დე არშე, წმ. გელტრუდას ბენედიქტელი დების კონგრეგაციის დამფუძნებელი; მხევალი ღვთისა მარია მაგდალენა სტარაჩე, ღვთის-მშობლის მონყალე მსახურთა დების კონგრეგაციის დამფუძნებელი; ნეტარი კატერინა ვოლპიჩელი, წმიდა გულის მხევალთა კონგრეგაციის დამფუძნებელი; მხევა-ლი ღვთისა კლავდია რუსო, მონახულების მდაბალ ქალ-

წულთა კონგრეგაციის დამფუძნებელი; მხევალი ღვთისა მარია კონსილია სულიწმიდისა, დამფუძნებელი მგლო-ვიარე მარიამის მსახურ დათა კონგრეგაციისა; ნეტარი მარია კრისტინა ბრანდო, იესო ქრისტეს საიდუმლოებ-ის გამომსყიდველი მსხვერპლის დათა კონგრეგაციის დამფუძნებელი; და მრავალი სხვა. ამ არასრულ სიას დავამატებდით ნეტარ იულია სალძანოს. იგი დაიბადა სანტა მარია ვეტერეში, 1846 წლის 13 ოქტომბერს, 19 წლის ასაკში, ნეაპოლთან ახლოს, კაზორიაში გადავიდა და მთელი შემდგომი ცხოვრება იქ გაატარა. ის, ფერ-დინანდ I-ის არმიის მსახურის, გემის კაპიტნის, დიეგო სალძანოსა და ადელაიდა ვალენტინოს, მეექვსე შვილი იყო ოჯახში. მამით ადრე დაობლდა და იგი კაზერტაში, წმ. ნიკოლას ობოლ ბავშვთა თავშესაფარში მიაბარეს. ოჯახს თხოთმეტი წლის ასაკში დაუბრუნდა, მას შემდეგ რაც სწავლა დაასრულა და მასწავლებლის დიპლომი აიღო. 1865 წლის ოქტომბერში კაზორიაში გადადის და საჯარო სკოლის მასწავლებლად იწყებს მუშაობას. ამაე-დროულად, იგი თავისი სახლის ეზოში შეკრებილ პატა-რებს რწმენის საფუძვლებზეც ესაუბრება.

ამ პერიოდში კარდინალი სისტო რიარიო დაუკავ-შირდა ნეტარ კატერინა ვოლპიჩელს, რათა კაზორიაში გაევრცელებინა წმიდა გულის მხევალთა კონგრეგაცი-ის საქმიანობა. დონა ჯულიეტამ, როგორც მას კაზო-რიაში ეძახდნენ, სკოლა 36 წლის ასაკში მიატოვა და სერიოზულად დაიწყო ფიქრი სასულიერო ცხოვრებაზე. ამ გზაზე მას ნეტარი ლუდოვიკო კაზორიელი და სხვა ღირსეული ღვთისმსახურნი მიუძღოდნენ. 1890 წელს, მან, დიდი ძალისხმევით, თავის ირგვლივ შემოიკრიბა მეგობარ ქალთა ერთი ჯგუფი, რომლებიც „წმ. გუ-ლის მხევალი კატეხისტი მონაზვნების“ თავდაპირველ ბირთვს შეადგენდნენ. ეს იყო კონგრეგაცია, რომლის უმთავრესი მიზანიც გახლდათ, უფლის წმიდა გულისა და ქალწული მარიამის თაყვანისცემით, ხალხამდე მი-ეტანათ ღვთის სიყვარული.

მალე გაჩნდა სურვილი, რომ ნეაპოლის ეპარქიაში ახ-ლად დაარსებული სასულიერო ინსტიტუტი იულიასა და მისი მეგობრების კონგრეგაციასთან — „წმ. გულის მხეე-ლები“ შეეერთებინათ. მაგრამ კარდინალი ჯუზეპე პრის-კო დროულად ჩაერია და წაახალისა მათი კატეხისტური საქმიანობა. 1905 წლის 21 ნომბერს, იულია და მისი ექვსი მეგობარი სამონაზვნო აღთქმებს დებენ, სულ მა-ლე მათ სხვებიც შეემატნენ და ასე გაიხსნა სხვა სახლები ნეაპოლის რეგიონში. კონგრეგაციის მოღვაწეობა, რასაც დედა იულია სალძანოს თავდავიწყებული სიყვარული ასულდგმულებდა, მართალია, ძირითადად კატეხისტურ საქმიანობაზე იყო აგებული, მაგრამ ევქარისტია და წმი-და გულისადმი თაყვანისცემა მთავარი გახლდათ.

იმ შორეულ წარსულში, დედა იულიამ აჩვენა ის სუ-ლისკვეთება და ძლიერი მუსტი, რითაც დღევანდელი ეკლესიის კატეხისტური საქმიანობა გამსჭვადელი ყოველდღე, კვირის განმავლობაში, იგი სხვადასხვა შეხ-ვედრებით იყო დაკავებული; როდესაც რომელიმე მონა-ზონი მას დალლილსა და ღონემიხდილს დაინახავდა და შეეცდებოდა, დროებით მაინც მოეწყვიტა საქმიდან, ის მყისვე პასუხობდა, რომ, როგორც კატეხისტი, ვალდებუ-ლი იყო, უკანასკნელ ამოსუნთქვამდე ეკეთებინა საქმე.

1916 წელს „წმიდა გულის მხევალი კატეხისტი მონაზ-ვნების“ კონგრეგაციამ თავისი წესდება შეიმუშავა და ეპარქიიდან მიიღო დეკრეტი მოღვაწეობის განახლების

საგანგებო ჩანართი

შესახებ; 1920 წლის 12 აგვისტოს კი კონგრეგაციის წეს-დება რომში განიხილეს და 1960 წლის 19 მარტს პაპმა იგი ოფიციალურად სცნო. დედა იულია სალძანო გულ-მოდგინედ აგრძელებდა თავის სასულიერო მოღვაწეობ-ას; მას ყველასთვის მოეძებნებოდა საწუგეშო და გამამ-ხნევებელი სიტყვები. 83 წლის ასაკში, ვიდრე მიწიერ ცხოვრებას დაასრულებდა, მან ასამდე ბავშვი მოამზადა პირველი ზიარებისთვის. იგი ბოლომდე ერთგული დარჩა თავისი დევიზისა: „ვიდრე სული მიდგას, კატეხისტი ვიქ-ნები“.

დედა იულია 1929 წლის 17 მაისს, კაზორიაში გარდა-იცვალა. მისმა კონგრეგაციამ არა მხოლოდ იტალიის სხვადასხვა ქალაქში დაიმკვიდრა ადგილი, არამედ სხვა ქვეყნებშიც: კანადაში, ბრაზილიაში, ფილიპინებზე, პე-რუსა და ინდოეთში.

1974 წლის 4 აპრილს გამოიცა დეკრეტი დედა იულიას ნეტარად შერაცხვის შესახებ და დაიწყო განსახილველი პროცესი. 2003 წლის 27 აპრილს, იოანე პავლე II-მ წმ. პეტრეს მოედანზე, რომში, იგი ნეტარად გამოაცხადა. მასთან ერთად, ნეტარად შეირაცხა კიდევ ერთი კონ-გრეგაციის დამფუძნებელი მარია ქრისტინა ბრანდო, რომელიც ასევე კაზორიიდან გახლდათ. ოდესლაც ერთი პატარა სოფლის დაბა, დღეს აყვავებული ქალაქია ნეაპ-ოლის შესასვლელთან და ამაყობს იმით, რომ მის შვი-ლებს შორის სამი ნეტარია; ერთ-ერთი მათგანი, ლუდო-ვიკო კაზორიელი, 1993 წელს შეირაცხა ნეტარად.

კანდიდა მარია დე იესოსი ბარიოლა CÁNDDIDA MARÍA DE JESÚS (Juana Josefa) CIPITRIA y BARRIOLA (1845-1912), იგივე ჯოვანა ჯუზეპა, დაიბადა 1845 წლის 31 მაისს ესპანეთში, გვიპუცკოას პროვინციის სოფ. ანდოანიში. 5 წლის ასაკში, ის მირონცხების საიდუმლოს ეზიარა.

1852 წელს, სამუშაოს შოვნის მიზნით, ოჯახი ტოლოზაში გადასახლდა, კანდიდამ იქ გაატარა ყრმობისა და ახალგაზ-რდობის წლები, მრავალ-შვილიან ოჯახში მისი მო-ვალეობა უმცროს დებზე ზრუნვა, მათთვის ლოცვი-სა და გალობის სწავლება იყო.

1855 წელს, ათი წლის ასაკში, მან პირველი ზიარება მიიღო. ეს იყო მისი პირველი შეხვედრა იესოსთან, რამაც მას უზომო სიხარული მიანიჭა და სწორედ მაშინ მიხვდა, რომ მის გარეშე ველარ იცხოვრებდა.

1865 წელს იგი ბუერგოსში გადასახლდა და მანტოიას დიდგვაროვან ოჯახში დაიწყო სამსახური, თუმცა იქ მორწმუნისათვის არასასურველი გარემო იყო შექმნილი. მისი მოძღვარი, იეზუიტი მ. რაიმონდო სურედა, მასზე ზრუნავს და სულ მალე იგი სხვა ოჯახში, ჯუზეპე საბა-ტერ ნორვეგესთან გადაჰყავს, რომლის მეუღლე, სათ-ნოებით გამორჩეული ქალბატონი, სულიერ დახმარებას უწევს მას: ევქარისტიის თაყვანისცემა და ღვთისმშობ-

ლისადმი ლოცვები, გაჭირვებულთა დახმარება, მონანი-ება, მედიტაცია უფლის ვნებაზე.

1868 წელს იგი ვალადოლიდში გაჰყვა საბატერების ოჯახს, სადაც საბოლოოდ მიიღო გადაწყვეტილება, ჩამდგარიყო ღვთის სამსახურში. ამაში მას დაეხმარა შეხვედრა მამა მიქელე ჰერანზისთან, რომელიც, 1868 წლის ესპანეთის რევოლუციის გამო, მონასტრის გარეთ, ძმის ოჯახში ცხოვრობდა. მათ შეხვედრაში განგების ხე-ლი ერია; 1862 წელს, წმიდა ოჯახის სახელობის ეკლესი-აში კანდიდას ღვთიური ზემთაგონება ეწვია, მას ეუნყა, რომ ის იქნებოდა „იესოს ქალწულთა“ კონგრეგაციის დამაარსებელი და თავს მიუძღვნიდა აღმზრდელობით-სა და საგანმანათლებლო საქმიანობას, განსაკუთრებით კი პატარა გოგონებისა და ახალგაზრდების სწავლებით იქნებოდა დაკავებული. იგივე ზემთაგონება ეწვია მამა ჰერანზსაც, წირვის მსვლელობის დროს, და როდესაც ჯოვანამ მას ყველაფერი უამბო, მამა ჰერანზმა ყოვე-ლივე ამაში უმაღ შეიცნო ღვთის ნება. ასე შეუდგა იგი ახალგაზრდა ქალბატონების, კერძოდ კი წერა-კითხვის უცოდინართა, კულტურულ და სულიერ აღზრდა-განათ-ლებას; ზოგნი სკეპტიკურად უყურებდნენ მის ამ გულ-მოდგინებას, სხვები კი, მათ შორის, სალამანკას ეპის-კოპოსი ხოაკინ გარიგა, მის ამ ღვაწლს ფასდაუდებლად თვლიდა ეკლესიისა და საზოგადოების წინაშე.

1871 წლის 8 დეკემბერს, მას მერე, რაც სალამანკაში სახლი დაიქირავა, ჯოვანა ჯუზეპამ, თავის ხუთ მეგო-ბართან ერთად, დააარსა იესოს ქალწულთა კონგრე-გაცია, შეიცვალა საერო სახელი და დაირქვა კანდიდა მარია იესოსი. 1873 წლის 3 აპრილს, კონგრეგაცია ოფ-იციალურად იქნა აღიარებული სალამანკას ზემოსსენე-ბული ეპისკოპოსის მიერ.

1873 წლის 8 დეკემბერს, დედა-დამფუძნებელი და მისი დები რელიგიურ აღთქმებს დებენ და სალამანკაში პირ-ველ კოლეჯს ხსნიან, რაც გაცილებით მაღალი საფეხური იყო, ვიდრე საკვირაო სკოლა. 1901 წლის 6 აგვისტოს, კონგრეგაცია აღიარა წმიდა საყდარმა; 1902 წლის 27 ოქტომბერს მიიღეს კონგრეგაციის კონსტიტუცია, რომე-ლიც თავად დედა კანდიდამ წარადგინა რომში. დრომ აჩ-ვენა, რომ ამ უბრალო და ლამის უწიგნური ქალბატონის ენერგიას წარმართავდა უზენაესი, რომელიც სუორა კან-დიდას ძალას აძლევდა მისი სასოების გასაცხადებლად; კანდიდა მარია იესოსი დიდსულოვნებითა და სულგრძე-ლობით იყო მინდობილი მამის ხელებს: „ჩვენი ცხოვრება ღვთის ხელშია. ჩვენ იესოს შვილები ვართ. იგი დაგვიცავს ყოველი ბოროტისაგან. ჩვენ მისი იმედი გვაქვს და არას-ოდეს დავრჩებით იმედგაცრუებულნი“.

მართალია, დედა კანდიდას თავისი საქმისთვის შესაბამისი მატერიალური სახსრები არ გააჩნდა, მაგ-რამ მან მაინც მყარი საფუძველი შეუქმნა ღვთის სახე-ლის სადიდებლად მიმართულ საქმიანობას, და თავისი აღსასრულის ჟამს, რომელიც 1912 წლის 9 აგვისტოს სალამანკაში დადგა, შეძლო, შემდეგი სიტყვები წარმო-ეთქვა: „მშვიდად და წყნარად ვკვდები, რადგანაც ჩემი სასულიერო ცხოვრების 41 წლის მანძილზე წუთიც კი არ მახსოვს, რომ ღმრთისათვის არ მიმეძღვნას თავი“.

იგი კონგრეგაციის სახლის ეზოში დაკრძალეს, დღეს მის მიერ წამოწყებული საქმიანობა ევროპის, ამერიკისა და აზიის 12 ქვეყანაში გრძელდება. ნეტარად შერაცხვის პროცესი 1942 წელს დაიწყო; 1996 წლის 12 მაისს კი, რომში, პაპმა იოანე პავლე II-მ იგი ნეტარად გამოაცხა-

და. მისი მოხსენიების დღეა 9 აგვისტო.

ბატისტა კამილა ვარანელი (1458-1524): დიდი მეცენატის, ხელოვნებისა და იარაღის დიდი მოყვარულის, შესანიშნავი დიპლომატის, მტერთა რისხვისა და ქალთა გულთამპყრობელის, პრინც იულიო ცეზარე ვარანელის ქალიშვილი. პრინცი ოცი წლის ასაკში დაქორწინდა თორმეტი წლის იოანაზე, რიმინელი, კეთილშობილური წარმოშობის, დიდგვაროვანი ოჯახის ქალიშვილზე, ვისგანაც სამი შვილი შეეძინა, მაგრამ მას, მათ გარდა, ხუთი უკანონო შვილიც ჰყავდა, რომლებიც სხვა სასიყვარულო კავშირების შედეგად შეეძინა, ისინი კანონიერ შვილებთან ერთად იღებდნენ აღზრდა-განათლებას. კამილა 1458 წლის 9 აპრილს დაიბადა და ყველაზე უფროსი იყო შვილებს შორის. იგი მამისეულ სასახლეში იზრდებოდა და მისნაირი მებრძოლი ხასიათი გამოჰყვა. როგორც თავის ავტობიოგრაფიაში წერს, მას იტაცებდა ცეკვა, სიმღერა, უყვარდა გართობა და დროსტარება.

ბატისტა კამილამ ჯერ კიდევ ბავშვობაში დადო აღთქმა, მას მერე, რაც ფრანცისკელი მღვდლის ქდაგებას მოუსმინა, და ყოველ პარასკევს, უფლის ვნების მოგონებისას, ცრემლებს ღვრიდა. თუმცა ეს ყოველივე მის მხიარულ და უდარდელ ცხოვრებასთან რატომღაც ვერ თავსდებოდა. ამიტომ, როდესაც უფლის ვნების მოგონება მასში ცრემლებს ვერ იწვევდა, ის მთელი კვირა თავს ცუდად გრძნობდა. ახალგაზრდობაში მან ბევრი საეკლესიო წიგნი წაიკითხა და უკვე ადვილად ეძლეოდა სინანულს, რაც ხშირად ახლობელთა ქილიკს იწვევდა. თვრამეტი წლისა უკვე იწყებს ფიქრს რელიგიურ ცხოვრებაზე, მაგრამ ორჭოფობს, რადგანაც მას ამქვეყნიური ცხოვრებაც იზიდავს. როგორც იქნა, ცდუნებები დაძლია და არჩევანი მონასტერზე შეაჩერა. აქ კი მამა აღუდგა წინ მის გადაწყვეტილებას.

გადატანილი განცდების გამო, კამილა შვიდი თვის მანძილზე უღონოდ გრძნობდა თავს. ორი წლის მერე მას ზეციური შთაგონება ეწვია; იგი უკვე სულიერად მომწიფებული იყო ქრისტეს გზაზე შესადგომად. საბოლოოდ, პრინციც დაჰყვა ქალიშვილის ნებას და 1481 წლის 14 ნოემბერს იგი, კამილა სუორა ბატისტას სახელით, მონაზვნად აღიკვეცა ურბინოს წმ. კლარას ფრანცისკელთა მონასტერში. მამამისი, პრინცი, ვერ ეგუებოდა შვილის შორს ყოფნას, ამიტომ მან შეიძინა ოლივეტანის მონასტერი და იგი ფრანცისკელებს გადასცა წმ. კლარას მონაზონთათვის.

სუორა ბატისტა ერთ-ერთი ახლად არჩეული იყო ცხრა მონაზონს შორის. 1484 წლის 4 იანვარს მან, ხალხისა და პრინცის ამაღის თანდასწრებით, მონასტრის კარი შეაღო.

აქედან დაიწყო მისი გატაცება მისტიციზმით, ქრისტეს ვნება კვლავაც ასულდგმულებდა მას, განსაკუთრებით მისი ადამიანურ-ღვთაებრივი, დაწყლულებუ-ლი გული. საკუთარი მისტიკური აზრები მან თავის



წიგნში — „იესოს მენტალური ტკივილი მისი ვნების ჟამს“ ჩამოაყალიბა, რომელიც მომავალი დიდი წმიდანებისთვის მედიტაციის სახელმძღვანელოდ იქცა. 1502 წელს ცეზარე ბორჯია, „ვალენტინოს გრაფი“, შეეცადა, ადგილობრივი საგრაფოები გაეერთიანებინა და მთელი ტერიტორია პონტიფექსის მფლობელობაში მოექცია, გაეძლიერებინა პაპის, ალექსანდრე VI-ის უფლებები, რის გამოც ძალითაც კი უტევდა ადგილობრივ ურჩ საგრაფოებს. პრინცმა ვარანელმა საიმედოდ გადამალა თავისი უმცროსი ვაჟიშვილი ვენეციაში, დანარჩენ შვილებთან ერთად კი კამერინოს ამბოხებისთვის ემზადებოდა. სუორა ბატისტა, თავის სულიერ დებთან ერთად, ჯერ ფერმოში გაიქცა, ხოლო შემდეგ ნეაპოლის სამეფოში, ატრიში გადავიდა, სადაც მიაღწია ცნობამიმის შესახებ, რომ ცეზარე ბორჯიამ წამებით მოკლა მამამისი, შემდეგ კი მის ძმებს გაუსწორდა. როდესაც ბორჯიას თავაშევებულ საქმეებს ნერტილი დაესვა, სუორა ბატისტა კამერინოში დაბრუნდა, დაიბრუნა საგრაფო ვარანაში, და, თავის ძმასთან ერთად, იქვე დარჩა სიკვდილამდე, როგორც აბატისა. იგი ყველასთვის, როგორც საერო, ასევე სასულიერო პირთათვის, დიდ იმედად და ნუგეშად იქცა. კამილა ბატისტა გარდაიცვალა კამერინოში, 1524 წლის 31 მაისს, ჭირის ეპიდემიის დროს, დაკრძალეს მამისეულ სასახლეში.

პაპმა გრიგორ XVI-მ, 1843 წლის 7 აპრილს, კამილა ბატისტა ნეტარად შერაცხა, ხოლო 2010 წლის 17 ოქტომბერს, პაპ ბენედიქტე XVI-ის მიერ მისი კანონიზება მოხდა.

მარია ჯვრისა (მარი ჰელენი) მაკკილოპი MacKILLOP (1842-1909). იგი დაიბადა მელბურნში (ავსტრალიაში), 1842 წელს. მისი ცხოვრება არ ყოფილა ია-ვარდით მოფენილი, პირიქით, განსაცდელე-ბით იყო სავსე, მაგრამ იგი სიმამაცითა და ღვთისმოსაობით გამოირჩეოდა, რამაც გააძლე-ბინა კიდევ მძიმე ნუთებ-ში. ვიდრე ოცი წლისა გახდებოდა, მარიამ უკვე იცოდა, რომ ღმერთი იხმობდა მას. თავი-სი მოწოდება მან სულ რაღაც ოთხ წელიწადში სრულიად გააცნობიერა. მოწოდება კი ასეთი გახლდათ: ავსტრალიის სამხრეთში გაჭირვებულთათვის სკოლის გახსნა. ასე იქცა იგი „ წმ. იოსების წმიდა გულის დების კონგრეგაციის დამფუძ-ნებლად. მას დიდ სიამოვნებასა და სიხარულს ანიჭებდა საეკლესიო საქმიანობა, ასევე სიხარულით ხვდებოდა ყველა გასაჭირს, რომელსაც სწირავდა ღმერთს, რომ-ლის ერთგულიც ის სიცოცხლის ბოლომდე (1909 წ.) დარჩა. იოანე პავლე II-მ 1995 წელს, სიდნეიში, იგი ნეტა-რად გამოაცხადა.

მოამზადა მამა გაბრიელე პრაგანტინი

„გიხაროდეს, ეს შენი ქართული ეკლესიაა“...

ფერიქოის წმ. მარიამის სახელობის ქართველ კათოლიკეთა მონასტრის მოლოცვა ყველა ქართველი კათოლიკეს ოცნებაა.

შემიძლია, თამამად ვთქვა, რომ მე ეს ოცნება ავიხდინე და 2 იანვარს ფეხი შევედგი ქართველი ერისთვის უძვირფასეს სავანეში. ქართული ტრადიციის თანახმად, 2 იანვარი ბედობის დღეა, დაე, ამ წმიდა მონასტერს დაებედოს ქარ-თველ მომლოცველთა ხშირი სტუმრობა.

სტამბულში 2 იანვარს, კვირა დილით ჩავფრინდი. ჩემთვის ნამდვილი სიურპრიზი იყო, რომ ეკლესია, სადაც მეგობრებთან ერთად წირვაზე დასასწრებად მივედი, ფერიქოის ქართველ კათოლიკეთა მონასტერი აღმოჩნდა. შემდეგ გაირკვა, რომ ეს წინასწარ იყო დაგეგმილი ჩემი მეგობრების მიერ.

1861 წელს მამა პეტრე ხარისჭირაშვილმა სტამბოლის ერთ-ერთ ყველაზე პრესტიჟულ უბანში, ფერიქოიში წმიდა მარიამის ქართველ კათოლიკეთა სავანე-ეკლესია, დედათა და მამათა მონასტრები დააფუძნა. იგი გარდაიცვალა 1890 წლის 9 ოქტომბერს, დასაფლავებულია ეკლესიის ეზოში, მისი გული კი შენახულია სპეციალურ სპირტიან ქილაში. მამა პეტრემ სტამბოლის ქართველ კათოლიკეთა მონასტერში წირვა-ლოცვა ქართულ ენაზე დაანესებინა, ნებარ-თვა კი რომის პაპისგან მიიღო. მისი ანდერძის თანახმად, სავანის ტერიტორია კათოლიკე მრევლის საკუთრება გახ-და.

ფერიქოის ქართული ეკლესია არა მარტო სალოცავ ადგილს წარმოადგენდა, არამედ ქართული კულტურის კერაც იყო. მონასტრის ბაზაზე არსებობდა ბიბლიოთეკა, სტამბა, სადაც იბეჭდებოდა წიგნები ქართულ, იტალიურ, ფრანგულ ენებზე; სასწავლებელი, კლუბი, სადაც იმართე-ბოდა პოეზიის საღამოები, შეხვედრები, რომელსაც 150-მდე ქართველი ესწრებოდა. ბიბლიოთეკის შენარჩუნების საქმეში დიდი წვლილი მიუძღვის პავლე ზაზაძის ოჯახს, პავლე თავად განაგებდა აკაკი წერეთლის სახელობის მდი-დარ ბიბლიოთეკას, უმძიმესი წნეხის პირობებში ინარჩუ-ნებდა ტაძარს, სინმინდეებს, სტამბოლის ცენტრალურ, ევროპულ ნაწილში არსებულ ვრცელ მიწას. მამის ანდერ-ძისამებრ, 1989 წლიდან მისი შვილი — სიმონ ზაზაძე ემსა-ხურება ამ წმინდა საქმეს.



ფერიქოის სავა-ნე ქართველთათვის მშობლიური კერა და თავშესაფარი იყო. მას თავს აფარებდა 1921 წელს რუსული ოკუპ-აციის გამო დევნილი მთავრობის თავმჯდო-მარე, ნოე ჟორდანია და მთავრობის ზოგი-ერთი წევრი.

გული სიამაყით ამ-ევსო, როდესაც მო-ნასტრის ეზოს მთავარ ჭიშკართან წავიკითხე თურქული წარწერა:

„ნოტრე დამ ლურდი – ქართული კათოლიკური მონასტე-რი.“ მონასტრის ბაღი საკმაოდ კარგად არის მოვლილი, აქვე დგას მარიამ ღვთისმშობლის დიდებული ქანდაკება, რომლის მაღლი ფარავს ამ წმინდა ადგილს. ეკლესიის შე-სასვლელთან, სტენდზე, სამ ენაზე — ქართულად, ინგლი-სურად და თურქულად დაწერილია მონასტრის ისტორია.

როდესაც ეკლესიაში შევედით, წირვა თურქულ ენაზე ახალი დაწყებული იყო, მას ამავე ეკლესიის წინამძღვარი, დონ ფელიჩე აღავლენდა. ტაძარი სავსე იყო მლოცველე-ბით. მეგობრებმა, წირვის დროს, ერთ მინისტრანტზე მი-მანიშნეს და მითხრეს, დააკვირდი ამ ბავშვს, წირვის და-სასრულს შეგახვედრებთო. წირვის დასრულების შემდეგ, კელიაში შევედით, სადაც მოძღვარს გავესაუბრეთ. ალ-ბათ, სიკვდილამდე მემახსოვრება დონ ფელიჩეს სიტყვე-ბი: „გიხაროდეს, ეს შენი ქართული ეკლესიაა“. თვალები სიხარულის ცრემლებით ამევსო, თუმცა კულმინაცია, ალ-ბათ, მაინც ის იყო, როდესაც ზემოთ ხსენებული 12 წლის მინისტრანტი ქართველი აღმოჩნდა, რომელიც იქვე, ეკლე-სიასთან ახლოს ცხოვრობდა დედასთან და დასთან ერთად.

ეკლესიაში ლოცვის, მისი საგულდაგულოდ დათვალი-ერების, მოძღვართან ფოტოების გადაღებისა და მრევ-ლთან საუბრის შემდეგ, ნასვლის დროც დადგა. ყველა ხერხი ვცადე, რათა დრო გამეხანგრძლივებინა, რათა უფ-რო დიდხანს დავრჩენილიყავი იქ. ქარ-თველი მინისტრანტის ოჯახმა თავისთან მიმიპატიჟა, თუმცა, ობიექტურ თუ სუ-ბიექტურ მიზეზთა გამო, სტუმრობა ვერ მოვახერხეთ. მაგრამ სტამბულში შემდეგი ვიზიტისას, მათ აუცილებლად ვესტუმრე-ბი ქართული ძღვენით.

„ნოტრე დამ ლურდში“ წირვა მხოლოდ თურქულ ენაზე აღევლინება (იქაური ქართველების თხოვნით, რადგანაც, ქარ-თულის გარდა, მათ მხოლოდ თურქული იციან). გვჯერა, ჩვენი ოცნება, ამ მონას-ტერში ქართულენოვანი წირვების აღდგე-ნისა, ხორცს შეისხამს და ტაძარს კვლავ დაუბრუნდება ქართული დიდება. დაე, ეს ტაძარი გახდეს ქართველ ქრისტიანთა ერ-თიანობის საწყისი.

შოთა კუკულაძე

თორმეტი ზეპითსკა იესოს შესახებ

8. ვინ იყო იესოსათვის მარიამ მაგდალელი?

მარიამ მაგდალელი იესო ქრისტეს მოწაფე იყო. მისგან უფალმა შვიდი დემონი გამოდევნა. ამას გარდა, იგი იდგა ჯვრის ქვეშ მარიამთან, იესოს დედასთან, ერთად. დაბოლოს, მარიამ მაგდალელი მოხსენიებულია როგორც პირველი ადამიანი, რომელიც პასექის გარიჟრაჟზე აღმდგარ უფალს ხვდება. ამ მონაცემთა გარდა, ბიბლიაში ან საღმრთო გადმოცემაში ისეთი არაფერია ნათქვამი, ნაჩვენები ან ნაგულისხმები, რაც იესოსა და მარიამის რამე სხვაგვარ ურთიერთობას მიანიშნებდეს.

შეთქმულების თეორიათა მოყვარულებს შესაძლოა ხიბლავდეს სხვადასხვა თქმულებები, რომლებიც გვხვდება იმგვარ რომანებში, როგორიცაა დენ ბრაუნის „და ვინჩის კოდექსი“, სადაც ავტორი ამტკიცებს, თითქოს იესოს და მარიამს შეექმნათ ერთობლივი ოჯახი (თუმცა სახარებებიდან ცნობილია, რომ იესო არასოდეს ყოფილა დაქორწინებული). მწერალი ამ შემთხვევაში ეყრდნობა სათუო წარმოშობის, არამართლმორწმუნე სახარებებს, მათ შორის, გნოსტიკურ საფუძველზე შექმნილ მარიამის სახარებასა და ფილიპესა და თომას აპოკრიფულ სახარებებს. ეს წყაროები არა მხოლოდ არაბიბლიური და არალმრთივშთაგონებულია, არამედ შეთხზულია გარკვეული მიზანდასახულობით იესოს სიცოცხლის, სიკვდილისა და აღდგომიდან (და, შესაბამისად, მარიამ მაგდალელის სიკვდილიდან) სამი საუკუნის შემდეგ. კიდევ მეტი, ის ცნობები, რომლებითაც რომანისტი სარგებლობს, ამოგლეჯილია კონტექსტიდან.

თავად ეს წყაროებიც ნათლად არაფერს აცხადებს რამე გამორჩეული ურთიერთობის შესახებ იესოსა და მარიამს შორის. „ხოლო მეგობარი [...] მარიამ მაგდალელის [...] მას უფრო მეტად, ვიდრე [...] მოწაფეებს [...] ეამბორა [...] მას [...] მის შესახებ [...]“, — წერია ფილიპეს აპოკრიფულ სახარებაში. ამ თხზულების ერთადერთი ხელნაწერი მეტად ფრაგმენტულია, ხოლო ზოგიერთ ადგილას კი ტექსტი ან ბუნდოვნად, ან საერთოდ არ იკითხება (ამგვარი ადგილები ზემორე აღნიშნული კვადრატული ფრჩხილებითაა). ბერძნულად ის სიტყვა, რომლითაც ტექსტში

წმიდა ვალენტინო

წმ. ვალენტინო, იგივე ვალენტინო ტერნელი (ტერნი, იტალია), ეპისკოპოსი და წამებული ქრისტიანი გახლდათ; წმიდანად შერაცხულ იქნა კათოლიკე, მართლმადიდებელი და, მოგვიანებით, ანგლიკანური ეკლესიის მიერ, მიჩნეულია შეყვარებულთა მფარველად.

უძველესი ისტორიული წყარო, რომელიც გვანვდის ცნობებს წმ. ვალენტინოს შესახებ, V-VI ს-ის ეკლესიის ოფიციალური დოკუმენტია, სადაც საუბარია მისი სიკვდილის წლისთავზე. VIII ს-ის სხვადასხვა დოკუმენტი გვამცნობს რამდენიმე დეტალს მის მონამებრივ სიკვდილზე: წამება, თავის მოკვეთა და დასაფლავება.

წმიდა ვალენტინოს ცხოვრება

ვალენტინო პატრიცების ოჯახის წარმომადგენელი გახლდათ. ქრისტიანად მოქცეული, სულ რაღაც 25 წლის ასაკში, 197 წელს, ტერნის ეპისკოპოსად აკურთხეს. 270 წელს ვალენტინო, ორატორის, კრატონის მიწვევით, სახარების საქადაგებლად და წარმართების მოსაქცევად, რომში ჩადის. იმპერატორმა კლავდიუს II-მ მას რელიგიური მსახურების შეწყვეტა და ქრისტიანობისგან განდგომა მოსთხოვა, რაზედაც უარი მიიღო; უფრო მეტიც, ვალენტინომ თვით იმპერატორს შესთავაზა გაქრისტიანება. კლავდიუს II-მ იგი შეიწყალა.

ვალენტინო, უკვე მეორედ, კლავდიუსის მემკვიდრის, აურელიანოს მმართველობისას დაიჭირეს. რომაელმა ჯარისკაცებმა იგი ქალაქკარეთ, ფლამინიას ქუჩაზე გაიყვანეს გასაშოლტად, ვინაიდან შეეშინდათ, ქალაქში მის მომხრეებს ამბოხება არ მოეწყოთ, რადგანაც ვალენტინოს მიმდევრების რიცხვი საკმაოდ დიდი იყო.

აურელიანოს ბრძანებით, ვალენტინო აწამეს 273 წლის 14 თებერვალს, 98 წლის ასაკში. იგი ფლამინიას ქუჩაზე, ნეკროპოლთან ახლოს, ტერნის ბორცვზე დაკრძალეს. IV ს-ში ამ ადგილზე ბაზილიკა ააგეს, სადაც დაცულია წმიდანის რელიქვიები. როგორც ირკვევა, რელიქვიები ქალაქში ფილოსოფოს კრატონის მოწაფეებმა – აპოლონიომ, ეფებომ და პროკურომ ჩამოიტანეს; სამივე მათგანი მომავალმა წმიდანმა მოაქცია ქრისტიანულ სარწმუნოებაზე, რის გამო მათაც მოწამებრივი გზით დაასრულეს სიცოცხლე.

წმიდა ვალენტინოს დღესასწაული – შეყვარებულთა ზეიმი

წმ. ვალენტინოს პიროვნება ასოცირდება რომანტიკულ სიყვარულთან და შეყვარებულებთან, მაგრამ დანამდვილებით ვერავინ იტყვის, თუ რად მიაწერენ მას ყოველივე ამას. არსებობს რამდენიმე ლეგენდა:

1. როგორც ლეგენდა გადმოგვცემს, იმპერატორმა კლავდიუსმა ქორწინება აკრძალა იმ მიზეზით, რომ დაუქორწინებელი მამაკაცები კარგი ჯარისკაცები იქნებოდნენ. ამ დეკრეტის მიუხედავად, ახალგაზრდა მღვდელი ვალენტინო მალულად სწერდა ჯვარს ახალგაზრდა წყვილებს. როდესაც ეს ამბავი იმპერატორმა შეიტყო, ვალენტინო დააპატიმრა. საპატიმროში მას ციხის ზედამხედვლის ბრმა ქალიშვილი შეუყვარდა, რომელიც განკურნა.

2. ცნობილია ის ფაქტი, რომ 496 წელს, პაპმა გელასიომ გააუქმა ლუპერკალიის (ლათ. Lupercalia=ძველ რომში: დღესასწაული ლუპერკუსის (Lupercus — ღმერთ ფავნის ერთ-ერთი მეტსახელი) სადიდებლად) რომაული დღესასწაული და 14 თებერვალი გამოაცხადა წმ. ვალენტინოს დღედ, იმ მიზნით რომ ქრისტიანული სული ჩადეო მასში.

ძველი რომაელებისთვის თებერვალში იწყებოდა ბუნების გამოლვიძება და გაზაფხულისთვის მზადება (ანუ ახლად შობის სეზონი). თებერვალში სრულდებოდა განწმენდის რიტუალი: სახლებს ასუფთავებდნენ, მასში მარილსა და განსაკუთრებულ ფქვილს მიმოაბნევდნენ.თვის შუა რიცხვებში კი იწყებოდა ლუპერკალის (ღვთაება, რომელიც დახსულ-დათესილი მინდვრებისგან მგლებს განარიდებდა) მსახურება. ლუპერიკები, ამ კულტის მსახურებისთვის საგანგებოდ მომზადებული მღვდლები, მსხვერპლშენირვას აღასრულებდნენ გამოქვაბულში, სადაც, ლეგენდის თანახმად, ძუ მგელმა რომულისა და რემის აწოვა ძუძუ. მაშინდელი რომაელი ახალგაზრდებისთვის ნამდვილი „ზეიმი“ იყო სიყვარულის

ლატარეა: ურნაში იყრებოდა და ერთმანეთში ირეოდა ფურცლები, ქალებისა და მამაკაცების სახელებით, შემდეგ რომელიმე ბავშვი ამოიღებდა ფურცლებს და რომელი ქალისა და მამაკაცის სახელიც ამოვიდოდა პირველად, ისინი დაწყვილდებოდნენ და მთელ წელს ერთმანეთის გვერდით გაატარებდნენ, ვიდრე ნაყოფიერების რიტუალი არ დასრულდებოდა. მომდევნო წელს უკვე სხვა წყვილი განაგრძობდა ამ რიტუალს.

3. ეს დღე შეყვარებულების დღედ ითვლებოდა და ყველა ზეიმობდა. მთელ მსოფლიოში შეყვარებულები სასიყვარულო ბარათებსა და საჩუქრებს უცვლიდნენ ერთმანეთს. ამ დღესასწაულის შესახებ უტყუარი ისტორიული წყაროები არ მოგვეპოვება. ერთ-ერთი ყველაზე ცნობილი თეზისი სან ვალენტინოს, ანუ შეყვარებულთა დღესასწაულის შესახებ, ინგლისელ პოეტს, ჯეფრი ჩოსერს (1343-1400) უნდა მიეწეროს, რომელიც თავის პოემაში „ჩიტების პარლამენტი“ ამ დღესასწაულს რიჩარდ II ინგლისელისა და ანა ბოემის დანიშვნას უკავშირებს. თუმცა ზოგიერთი ეჭვქვეშ აყენებს ამგვარ ინტერპრეტაციას. სხვა ისტორიული წყაროები ამ ზეიმს პარიზში, 1400 წლის 14 თებერვალს, „სიყვარულის უზენაესი სასამართლოს“ დაარსებას უკავშირებენ, რომელიც სამეფო კარის სიყვარულის პრინციპებით მოქმედებდა. სასამართლო მიზნად ისახავდა, განაჩენი გამოეთანა სასიყვარულო კონტრაქტებზე, ღალატზე და ქალთა ძალადობასთან დაკავშირებულ ფაქტებზე. მსაჯულთა შერჩევა სასიყვარულო პოეზიისადმი მათი დამოკიდებულების საფუძველზე ხდებოდა.

ანგლოსაქსურ ქვეყნებში, და სხვაგანაც, სან ვალენტინოს დღესასწაულისთვის ყველაზე დამახასიათებელი გახლდათ „ვალენტინები“, ანუ სასიყვარულო ბარათების (გულის, მტრედის, კუპიდონის ისრით და სხვა) ერთმანეთში გაცვლა. ყველაზე ძველი ბარათი XV საუკუნით თარიღდება, რომელიც კარლ ორლენამა მისწერა თავის მეუღლეს 1415 წელს: „მე უკვე დავსწნეული სიყვარულით, ჩემო ტკბილო ვალენტინო.“

5. ანგლოსაქსურ ქვეყნებში „ვალენტინების“გაგზავნა XIX ს-დან ტრადიციად იქცა. ამ დროიდან აშშ-ში რამდენიმე საქმოსანი იწყებს წმიდა ვალენტინოს ბარათების გამოშვებას. სწორედ მისალოცი ბარათების ფართოდ წარმოებამ შეუქმნა ამ დღესასწაულს კომერციული სახე. XX საუკუნეში ბარათები უკვე ინტენსიურად იწარმოება, განსაკუთრებით აშშ-ში. მოგვიანებით, ბარათებთან ერთად აგზავნიან საჩუქრებს: შოკოლადებს, ყვავილებს, საიუველირო ნაწარმს. Greeting Card Association-მა დაადგინა, რომ ყოველწლიურად, 14 თებერვალს იგზავნება დაახლოებით მილიარდამდე მისალოცი ბარათი, რაც, გაგზავნილი საშობაო ბარათების რაოდენობასთან შედარებით, მეორე ადგილზეა.

ლეგენდა წმიდა ვალენტინოზე

ისტორიული ფაქტები წმ. ვალენტინოს შესახებ არაერთგვაროვანია, მასზე მრავალი ლეგენდა არსებობს, რომელიც უკვე ხალხური ტრადიციის ნაწილად იქცა, მაგრამ ამ ლეგენდებს საფუძვლად შეიძლება ნამდვილი ამბებიც ედოს; ისე, ყველა ფაქტი სასიყვარულო ეპიზოდს ეხება.

ლეგენდა ამაღლებულ სიყვარულზე

ეს ლეგენდა ახალგაზრდა ჭაბუკ საბინოზე, რომაელ ასისტავზე მოგვითხრობს; ერთხელ, ტერნის მოედანზე სეირნობისას, მან მშვენიერი ქალწული, სერაპია შენიშნა და მაშინვე შეუყვარდა იგი. საბინომ სერაპიას მშობლებს მისი ხელი სთხოვა, მაგრამ სასტიკი უარი მიიღო: საბინო წარმართი იყო, ხოლო სერაპია — ქრისტიანი. ეს დაბრკოლება რომ გადაელახა, სერაპიამ თავის შეყვარებულს ურჩია, წასულიყო ეპისკოპოს ვალენტინოსთან და მონათლულიყო, მერე კი საკუთარი ოჯახის წევრებისთვისაც გაეცნო ეს რელიგია. სიყ-



„მეგობარია“ აღნიშნული, არის „კოინონოს“, ხოლო „მეუღლე“ ბერძნულად არის „გინე“, — სიტყვა, რომელიც ამ ადგილას არაა გამოყენებული. წმიდა პავლე სარგებლობს სიტყვით „კოინონოს“, როცა თავის მეგობარსა და თანამოღვაწეს, ტიტეს, სწორედ ამგვარად უწოდებს (2 კორ. 8:23). წმიდა ლუკა იყენებს იმავე სიტყვას თავის სახარებაში, როცა მოიხსენიებს იაკობსა და იოანეს როგორც სიმონის (შემდგომში — პეტრეს) მეგობრებსა და თანამოსაქმეებს.

არსებობს სხვა აპოკრიფული მონაცემებიც მარიამ მაგდალელის შესახებ. „სიმონ პეტრემ უთხრა მათ [მონაფეებს]: „დაე, მარიამმა დაგვტოვოს ჩვენ, რადგან ქალნი არ არიან ღირსნი ცხოვრებისა“. იესომ კი თქვა: „მე თავად გავუძღვები მას, რათა ვაქციო მამაკაცად, რითაც იგიც შეძლებს ცოცხალ სულად ქცევას, რადგან თქვენი, მამაკაცების, მსგავსი გახდეს. ყოველი ქალი, რომელიც გადაიქცევა მამაკაცად, შევა ცათა სასუფეველში“ „, — ნათქვამია თომას აპოკრიფულ სახარებაში. გნოსტიკოსებს ჰქონდათ უცნაური წარმოდგენა, რომ მხოლოდ მამაკაცებს ძალუძთ სასუფეველის მოპოვება. ამდენად, მარიამ მაგდალელიც უნდა ქცეულიყო მამაკაცად ხნის მოსაპოვებლად, როგორც თომას გნოსტიკური სახარების მოყვანილი ნაწყვეტი ამტკიცებს. აშკარაა, რომ ეს წყარო სანდო არაა არანაირი თვალსაზრისით.

მარიამ მაგდალელის გნოსტიკური სახარება, საერთოდ, არაფერს ამბობს იესოსა და მარიამის რამე განსაკუთრებული ურთიერთობების და, მით უმეტეს, მათი ქორწინების შესახებ. ის გადმოგვცემს დაპირისპირებას პეტრესა და მარიამს შორის იმის გამო, თუ ვის უნდა ჰქონდეს ძალაუფლება ეკლესიაში. ეს ტექსტი, ამავე დროს, მიანიშნებს იდუმალი ცოდნის შესახებ (ეს ხომ გნოსტიციზმის „ამოსაცნობი ნიშანია“!), რომელიც იესომ თითქოსდა გადასცა მარიამ მაგდალელს, მაგრამ არ გაუმხილა სიმონ პეტრეს. ეს საიდუმლო კი ისაა, რომ სხეული ბოროტია, ხოლო სული კი — კეთილი. ეს არის სუფთა გნოსტიციზმი და სუფთა ერესი! თუკი სხეული მართლაც ბოროტი იყო, მაშინ იესოს მონაწილეობა მიუღია ბოროტში, რადგანაც იგი განხორციელდა და მან მიიღო ადამიანური ბუნება, რაც ადამიანურ სხეულსაც მოიცავდა. ეს თვალსაზრისი კი მკვეთრად ეწინააღმდეგება ყოველივე იმას, რაც სწამს ქრისტიანობას.

მასალა მოამზადა მერაბ ღაღანიძემ

► ***14 83.***

თვის წმიდანი

ვარულის გამო, საბინო ასეც მოიქცა. სამწუხაროდ, როდესაც ნათლობისთვის ემზადებოდნენ, სერაპია ტიფით დაავადდა. ვალენტინო მომაკვდავი ქალწულის სასთუმალთან მიიხმეს. საბინომ სერაპიას სთხოვა, უარი არ ეთქვა მათ სიყვარულზე, მის გარეშე მას სიცოცხლე მხოლოდ ტანჯვად ექცეოდა. ვალენტინომ მონათლა ჭაბუკი და ჯვარიც დასწერა შეყვარე-ბულებს, აკურთხა მათი სიყვარული და ეს ორი გული სამარა-დისოდ შეუერთა ერთმანეთს.

ლეგენდა შემარიგებელ ვარდზე

ერთ დღეს, წმიდა ვალენტინომ, თავისი ბალის გარეთ, ახ-ალგაზრდა შეყვარებული წყვილი დანახა, რომლებიც ცხარედ კამათობდნენ. მან გადაწყვიტა, სურნელოვანი ვარდით ხელში შეხვედროდა მათ. ვალენტინომ საჩუქრად ვარდი გაუწოდა წყვილს და სთხოვა, რომ მისი ტოტისთვის ფრთხილად მოეკ-იდათ ხელი და შერიგებოდნენ ერთმანეთს, შემდეგ უფალს მათი სიყვარულის მარადიულობა შესთხოვა. რამდენიმე ხნის შემდეგ, წყვილი მასთან დაბრუნდა და ჯვრისწერის კურთხევა სთხოვა. ეს ამბავი მალე გავრცელდა და ტერნის მცხოვრებ-ნი ეპისკოპოსთან ყოველი თვის 14 რიცხვში მიდიოდნენ, რათა ისინი დაელოცა. ასე იქცა ყოველი თვის 14 რიცხვი კურთხევის დღედ, მაგრამ ეს თარიღი შემდეგ მხოლოდ თებერვალზე შე-ჩერდა, რადგანაც სწორედ ამ დღეს გარდაიცვალა წმიდა ვა-ლენტინო (273წ).

ლეგენდა ბავშვებზე

წმ. ვალენტინოს დიდი ბალი ჰქონდა, სადაც ნაირ-ნაირი ლა-მაზი ყვავილი ხარობდა; იგი პატარებს ამ ბალში თამაშის ნებას რთავდა. მზის ჩასვლისას, ბალში ჩასულ ვალენტინოს ბავშვები გარს შემოეხვეოდნენ ხოლმე ყიფინით, ისიც დალოცავდა მათ და ყოველ მათგანს ერთ ლამაზ ყვავილს ჩუქნიდა, თან არიგ-ებდა, რომ ყვავილი დედისთვის მიეტანა, ნიშნად მშობლების მიმართ პატივისცემისა და სიყვარულისა. ამბობენ, რომ სწო-რედ აქედან მომდინარეობს საყვარელი ადამიანებისთვის სა-ჩუქრის მიძღვნის ტრადიცია.

ლეგენდა მტრედებზე

მღვდელი ვალენტინო თავის დიდსა და ლამაზ ბალში მოცა-ლეობის ჟამს თავად უვლიდა ყველაფერს. ერთ დღეს, ჯარის-კაცები მოვიდნენ და ვალენტინო დაიჭირეს, მეფემ მას უვადო პატიმრობა მიუსაჯა. ეს რომ ბავშვებმა გაიგეს, ბევრი იტირეს. ვალენტინოც ციხეში სულ მათზე ფიქრობდა და იმაზეც, რომ მათ სათამაშოდ აღარ ექნებოდათ უსაფრთხო ადგილი. მაშინ ყველაფერზე უფალმა იზრუნა: ვალენტინოს ბალში დაცული გალიიდან ორი პატარა მტრედი გამოაპარა, რომლებმაც, იდ-უმალი ინსტინქტის ძალით, მიაგნეს სატუსალოს, სადაც მათი პატრონი იყო ჩაკეტილი. მტრედები საკნის გისოსებზე ჩამოს-ხდნენ და ხმამალლა ღულუნს მოჰყვნენ. ვალენტინომ იცნო ისინი, ხელში აიყვანა და მოეფერა. შემდეგ ერთ მათგანს კი-სერზე პატარა გული ჩამოჰკიდა, რომელშიც ბარათი იყო ჩადე-ბული, ხოლო მეორეს — პატარა გასაღები. ბავშვებმა დიდი სი-ხარულით მიიღეს უკან დაბრუნებული მტრედები, გასაღებიც მაშინვე იცნეს... ის ხომ ვალენტინოს ბალისა იყო. ბარათში კი ეწერა: *„ჩემს საყვარელ პატარებს. თქვენი ვალენტინო“*.

ითვლება თუ არა დღესაც ვალენტინო შეყვა-რებულთა მფარველად?

ვალენტინო, რომლის შესახებაც მწირი ისტორიული ცნობე-ბი და მრავალი ლეგენდა მოგვეპოვება, ადამიანთა ცხოვრების ისეთ უმნიშვნელოვანეს მხარეთან ასოცირდება, როგორიც სიყვარულია, ის შეყვარებულთა მფარველად იქცა. საინტერე-სოა, რატომ დარჩა ეს წმინდანი დღესაც შეყვარებულთა და დანიშნულთა მფარველად? თუმცა, თავისი კომერციული ას-პექტის გამო, ეს დღესასწაული წარმართულ სახეს ღებულობს, რის გამოც ზოგიერთი ეკლესია მას არ აღიარებს.

მფარველობა ნიშნავს დახმარებას, სიახლოვის საჭიროებ-

ას, რადგან ადამიანი თავად ვერ წყვეტს პრობლემებს; ვინმემ შეიძლება თქვას, რომ სულაც არ სჭირდება მფარველი, გან-საკუთრებით მაშინ, როდესაც შეყვარებულია. მაშ, ისიც ვი-კითხოთ, რა საჭიროა ნათლია, მეჯვარე ან მეგობარი, ვისაც გულისნადებს გაუშხელ... რატომ გვჭირდება ზოგჯერ ცხოვ-რებაში შუამავალი, მედიატორი... ქორწინება ხომ ხშირად ორ პირს შორის მესამის ჩარევითა და დახმარებით დგება... მფარ-ველის ყოლის აუცილებლობა იმაზე მეტყველებს, რომ ეს ფე-ნომენი იმაზე უფრო მნიშვნელოვანია, ვიდრე საკუთარი თავი-სადმი ნდობის გამოცხადება.

ევედრებიან დღეს შეყვარებულები წმიდა ვალენტინოს? იქ-ნებ, ახალ მფარველს ელოდებიან;

დღეს ახალგაზრდა წყვილები სრულიად მოუშზადებლად, ოჯახის, ეკლესიის დაუხმარებლად იღებენ თავიანთი სიყვარუ-ლის პირველ გამოცდილებას. ხდება პირიქითაც, ისინი დამო-კიდებულნი არიან ოჯახზე, რაც მათ არჩევანის გაკეთების სა-შუალებას უზღუდავს: თუნდაც სარწმუნოებრივი სხვაობა, ან შვილოსნობის საკითხი...; არის შემთხვევები, როდესაც წყვი-ლი მუდმივად „შეყვარებულის“ პოზიციაზე რჩება და მანამდე ახერხებს თანაცხოვრებას, სანამ ამის სურვილი არსებობს...; ვინ იქცევა ამგვარ სიტუაციებში უფრო გონივრულად? რთუ-ლია პასუხის გაცემა. ერთი რამ კი ცხადია, არც ერთ შემთხვე-ვაში არ ჩანს ცოლქმრული ცხოვრებისთვის მზადების პროცე-სი, პასუხისმგებლობის გრძნობა ოჯახური მონოდების წინაშე.

საკითხავია, იქნებ, შეყვარებულ წყვილებს მფარველზე მე-ტად სჭირდებათ ვინმე, მოდელი, მისაბაძი მაგალითი? როგორ უნდა შეარჩიონ შესაბამისი მოდელი, ვინ უნდა იყოს იგი? მომ-ღერალი, ფეხბურთელი, მეგობარი, რომელიმე ოჯახი? იქნებ, ტრადიცია? ნუთუ საკმარისია პირველივე ნახვით შეყვარება, რომ მეუღლე, ან მშობელი გახდე?

დასაფასებელია არა მხოლოდ ფიზიკური და სექსუალური სიმნიფე, არამედ ფსიქოლოგიური, ემოციური. ცოლქმრუ-ლი სიყვარული არ ჰგავს მეგობრებს ან დანიშნულებს შორის სიყვარულს; იგი გამოირჩევა თავისი სიმწიფით, რაც პიროვ-ნებას სტაბილური და თავისუფალი არჩევანის გაკეთებისკენ უბიძგებს, ერთგული და ერთადერთი სიყვარულით ახალი სიცოცხლის მისაღებად იხმობს. განა შეიძლება, ყველაფერი ეს მოსთხოვო 17-18 წლის ახალგაზრდას? თუმცა ეს რეალ-ობაა; ასეთ შემთხვევაში, რას მოვიძიეთ რამდენიმე წლის შემ-დეგ? რასაკვირველია, ეს წყვილები ცოლქმრული ცხოვრებით იცხოვრებენ, მაგრამ მოხდება კი პიროვნების თვითრეალიზ-ება? ხომ არ მიიღებენ იმ უმნიფარი არჩევანის შედეგს, რის-თვისაც მზად არ იყვნენ? რა როლი ეკისრება ოჯახს, მშობ-ლებს?

მრავალი მშობელი უფრო მეტად ართულებს ვითარებას, ვიდრე იღებს მომხდარ ფაქტს. როგორ რეაგირებენ ეკლესიები ამგვარ ფაქტებზე? ამზადებენ ახალგაზრდა თაობას მანამ, სა-ნამ ისინი ქორწინების, ცოლქმრული ცხოვრების, მშობლებად გახდომის არჩევანს გააკეთებენ, თუ ბედის ანაბარად ტოვებენ მათ? დღესასწაული, რომელიც შეყვარებულებს მფარველს სთავაზობს, აუცილებლად ბადებს ამ შეკითხვას: რას ნიშნავს შეყვარებულობის და ნიშნობის პერიოდი? რას ნიშნავს ნამდვი-ლი სიყვარული?

ამასთან დაკავშირებით, შემიძლია, ორი კრიტერიუმი გა-მოვყო. შეყვარებულობის ხანაში პიროვნება ახლად იბადება. ამ დროს ვაანალიზებთ და განცსჯით წარსულს, უკუვავადებთ მას, რასაც შეცდომად ჩავთვლით და ვეძებთ საკუთარ გამო-უხატავ მხარეებს, ჩვენს რეალურ სურვილებს, მას, რასაც ვუღალატეთ, უარეყავით, უყურადღებოდ დავტოვეთ. ამგვარ ძიებას ჭეშმარიტების სული აღძრავს. არ გვსურს და არ შეგ-ვიძლია ვიცრუოთ. ის განცდები, რაც შეყვარებულობის ხანას ახლავს, ფსიქოლოგთა მიერ ჯერ კიდევ შეუსწავლელია. ამიტ-ომაც, არავის დაუდგენია მისი მორალური შედეგები: სიმარ-თლის, სინრფელის, შინაგანი განწმენდის ღრმა სურვილი ამ დროს დევიზად იქცევა.

თვის წმიდანი

მახსენდება ალბერტო ბევილაქვას „ხალიფი“ (la Califfa), იგი მოგვითხრობს შეყვარებულ მამაკაცზე, რომელმაც სიმდიდრე და ძალაუფლება თაღლითობით მოიხვეჭა. შეყვარებულობის პერიოდში იგი მიხვდება, რომ უღალატა საკუთარ ღირებულე-ბებს, მეგობრებს. პირველად დაინახავს გარშემომყოფთ ისეთ-ებად, როგორებიც ისინი სინამდვილეში არიან: პარაზიტები, ორპირები, თაღლითები. შეამჩნევს, რომ ყალბსა და ურწმუნო ცხოვრებაში ჩაიძირა და უარყოფს მას. ავტორი წერს: „დიახ, იგი მართლაც თავიდან იშვა, მისი შეცდომები უკან დარჩა... სინათლეში წამოდგა ფეხზე, უკვე განკითხული, მსუბუქი, თა-ვისუფალი“. სწორედ თავიდან ფეხზე დადგომა და ყველაფრის თავიდან დაწყება არის ჭეშმარიტი სიყვარულის შეუდარებელი ნიშანი.

მეორე, ასევე ძვირფასი ნიშანი, გახლავთ საკრალურობა. შეყვარებულობის ხანაში, ყოველდღიურობისთვის დამახა-სიათებელი ნიშნები საკრალურ სახეს იძენს: თუნდაც ერთად ვახშმობა, ან რომელიმე პანორამით ერთად ტკობა, ან სულაც საყვარელი არსების მოლოდინი. აქ ყველა ჟესტი თავის რიგით

ქრისტიანული ოჯახი

„რა არის მადლი?“

წყვილების შეხვედრა ორპირში

ქუთაისის კათოლიკური საკრებულოს წყვილებმა გადაწყი-ტეს, 2009 წლის ბოლო შეხვედრა ორპირის სახლში მოეწყოთ. მიუხედავად იმისა რომ დეკემბერი იყო, ზამთრის მზე თბილად აცხუნებდა.

ყველასთვის წინასწარ ცნობილმა და მისაღებმა დღის გან-რიგმა შეხვედრა მეტად საინტერესო გახადა. ადვენტი: მოლო-დინის, იმედის, სიფხიზლის ჟამი, — აი თემა, რომლის ირგვლივ საუბარმა ერთად შეგვკრიბა, დაგვაკავშირა, გაგვავრთიანა და მართლაც უდიდესი მოლოდინით აგვავესო და დაგვაფიქრა ად-ვენტზე, რაც, კერძოდ, ადამიანთა ფიქრებსა და ოცნებებში ხსნასთან ასოცირდება.

ხსნა მადლია, ხსნა მომავალია, ხსნა ფხიზლად ყოფნაა. ად-ვენტი სიახლის მომტანი, ღმერთის ქმედების მადლიერი ჭვრე-ტისა და მიღების ჟამია; ადვენტი ბედნიერად ყოფნის სურვი-ლია და ჩვენც ამისთვის ვართ შექმნილნი; ადვენტი ფხიზლად ყოფნის დროა და ჩვენც, ჩვენს მიერ გაღებული სიყვარულით განვისჯებით.

ამიტომ ყველამ ერთმანეთს და საკუთარ თავს ვუსურვეთ, მთელი ჩვენი ცხოვრება ყოფილიყო ადვენტის დიდი მოლოდი-ნის ჟამი.

ჩვენში განსაკუთრებით დიდი აზრთა სხვადასხვაობა გამო-იწვია კითხვამ: „რა არის მადლი?“ აზრი ორი მიმართულებით გაიყო: ერთნი ამტკიცებდნენ, რომ მადლი ღვთიურია, მეორენი კი — თუმცა ამას აღიარებდნენ, მადლის წყაროდ მაინც ადამი-ანურ სიკეთეს მიიჩნევდნენ.

დასახელებული იქნა უამრავი მაგალითი ადამიანური მად-ლისა, ადამიანთა საქციელი უმეტეს შემთხვევაში გმირობის ტოლფასიც კი იყო. მაგრამ, საბოლოოდ, მამა გაბრიელე ბრა-განტინის მიერ „მადლის“ თეოლოგიური კუთხით გაშუქების შემდეგ, ყველა შეთანხმდა, რომ მადლი ღვთიურია, ღვთის მიერ ადამიანთათვის უშურველად გაღებული, მერე კი თი-თოუულ ჩვენგანზეა დამოკიდებული, ვინ რა ღოზით შეძლებს მის მიღებას და, შესაბამისად, გაცემას.

და ჩვენც, ამ მადლით აღვსილებმა, ხმა შევუერთეთ საერ-თო ლოცვას, რომელიც სამლოცველოში მამა გაბრიელესთან და სუორა ანა მარიასთან ერთად აღვავლინეთ და ერთად ყოფ-ნის სიხარული გავიზიარეთ.

მნიშვნელობას კარგავს და უჩვეულოდ იქცევა, რალაც სასწა-ულის მსგავსად, რის წინაშეც სულგანაბული, განცვიფრებული და მადლიერი რჩები, ანუ იგი იღებს ღვთიური სულით გაჯვრე-ბულ „საკრამენტის“ ხასიათს. სქესობრივი აქტი, მისი მომზა-დება, დაახლოება, საყვარელი ადამიანის სხეულის აღმოჩენა და შემდეგ მასში შეღწევა, ყველაფერი ეს ნამდვილი წმინდა რიტუალია, რადგანაც მისი სხეული, ვინც გვიყვარს, საკრა-ლურია. თვით ყველაზე მწველი სურვილიც კი გაჯვრებულია მოწინებით, ტკობით, თრთოლვით, პატივისცემით. ამ დროს ყველაფერი სახეს იცვლის: ადამიანები ლამაზები, თავაზიან-ები ჩანან, სახლები, ბუნება — გასაოცარი. გგრძნობთ, რომ პოზიტიურნი ვხდებით, უზენაესის სუნთქვა გვაცოცხლებს. როდესაც გვიყვარს, ჩვენ სამყაროს სუნთქვაში ვიჭრებით, მისი ჰარმონიისა და მიზნის ნაწილი ვხდებით. ყველაფერი ეს ნამდვილი სიყვარულის ნიშნებია; ისინი ზოგჯერ მყისვე ჩნდე-ბიან, ზოგჯერ კი — გარკვეული დროის შემდეგ, მაგრამ ყო-ველთვის არსებობენ.

მოამზადა მ. გაბრიელე პრაგანტინი

ქრისტიანული ოჯახი

„რა არის მადლი?“

მერე კი დრო ფილმის ჩვენებას დაეთმო. სპეციალურად შერჩეულმა ფილმმა ვიზუალური ეფექტებითა და გამიზნული მიზანსცენით აუდიტორიაზე დიდი ზეგავლენა მოახდინა და ყველა ღრმად ჩააფიქრა.

დასასრულს, ერთ-ერთმა ჩვენთაგანმა (თინიკომ) თავისი აზრი ფილმის შესახებ ასე ჩამოაყალიბა: „სტივენ კინგის სცე-ნარის მიხედვით შექმნილი ფილმი, მიუხედავად მძაფრი სიუჟ-ეტისა, მეტად სათუთ გრძნობებს ეხება. ცოლ-ქმარი, რომლებ-მაც შვილის დაღუპვა ძალზე მძიმედ განიცადეს, ვერაფრით შეეგუენ რეალობას და შეეცადნენ, გაქცეოდნენ მას. მხოლოდ თავსგადახდენილი პარანორმალური მოვლენების შემდეგ აღ-დგება მათ ქვეცნობიერში დალექილი სათუთი ცოლ-ქმრული კონტაქტები, და მიუხედავად უდიდესი განსაცდელისა, წყვი-ლი კვლავ ახერხებს ურთიერთობისა და სიცოცხლის გაგრძე-ლებას.

დღე საზეიმო ვახშმით დასრულდა; იყო სიურპრიზები — საახალწლოდ ყველა წყვილმა მიიღო სიმბოლურად გულის ფორმის მისალოცი ბარათი ლოცვის ტექსტით: „მალალო და მოწყალეო ღმერთო, მოამზადე შენი ძალით ჩვენი გული, რათა მივიღოთ ქრისტე, რომელიც მოდის“.

ნინო ჟღენტი



ლოცვა საქართველოში ქრისტიანთა ერთობისათვის 2011

„მადლი თქვენ და მშვიდობა...“ (1. თეს. 1:1)

საუკუნეზე მეტია, რაც არსებობს ტრადიცია ქრისტიანთა ერთიანობისადმი მიძღვნილი ეკუმენური ლოცვისა. საქართველოშიც დამკვიდრდა ეს ტრადიცია, გაფართოვდა ქრისტიანთა ერთობის მოსურნეთა რიცხვი და, ყოველი წლის იანვრის თვე-ში, ერთობლივად აღასრულებენ ეკუმენურ ლოცვებს ოთხი ეკლესიის (კათოლიკე, ლუთერული, სომხური და ბაპტისტური) წევრები. 2011 წელს, ამ ლოცვისადმი მიძღვნილი შეხვედრის მასპინძელი საქართველოში მოქმედი ლუთერული ეკლესია გახლდათ.

21 იანვარს, თბილისის შერიგების ევანგელურ-ლუთერულ ტაძარში ჩატარდა მორიგი შეხვედრა, ეკუმენურ ლოცვაში მონაწილე ეკლესიების მრევლისა და მღვდელმსახურების მონაწილეობით.

წლევანდელი ეკუმენური ლოცვები იერუსალიმელი ქრისტიანების მიერ მომზადდა. ამ სამზადისში იერუსალიმის ლათინური წესის პატრიარქი, იორდანის ლუთერული ეკლესიის ეპისკოპოსი, იერუსალიმის ბერძნული ეკლესიის საპატრიარქოს წარმომადგენლები და ასირიულ-მართლმადიდებლური ეკლესიის წევრები მონაწილეობდნენ. ეკუმენური ლოცვის კვირეულის მთავარ თემად შეირჩა ეპიზოდი მოციქულთა საქმეებიდან: „და იყვნენ ისინი გამუდმებით მოციქულთა მოძღვრებაში, თანამოზიარობაში, პურის გატეხასა და ლოც-ვებში“ (2,42).

თბილისის შერიგების ლუთერულ ტაძარში მსახურება მასპინძელი ეკლესიის მღვდელმთავარმა, ეპისკოპოსმა ჰანს-იოახიმ კინდერლენმა გახსნა მოკლე მიმართვით; შემდგომ მისალმების ლოცვები მორიგეობით წაიკითხეს: კათოლიკე ეპისკოპოსმა ჯუზეპე პაზოტომ, ბაპტისტური ეკლესიის პრეზიდენტმა, ეპისკოპოსმა მერაბ გაფრინდაშვილმა, საქართველოში სომხური სამოციქულო ეკლესიის მღვდელმთავარმა, ეპისკოპოსმა ვაზგენ მირზახანიანმა. მოკლე ლოცვებს მსახურებაში მონაწილე ოთხი ეკლესიის მგალობელთა გუნდების საგალობლები ავგირგვინებდა.

შესავალი ლოცვების შემდგომ, ღვთის სიტყვის ლიტურგია აღესრულა. ქართულ, გერმანულ, სომხურ, ინგლისურ ენებზე წაკითხულ იქნა შესაბამისი საკითხავები. სახარების საკითხავი მათეს წერილიდან საქართველოში ვატიკანის ელჩმა, მთავარეპისკოპოსმა კლავდიო გუჯეროტიმ წაიკითხა, რის შემდეგ ეპიკოპოსმა ჰანს-იოახიმ კიდერლენმა მოკლე ქადაგებით მიმართა შეკრებილ საზოგადოებას. შემდგომ იყო ტრადიციული მშვიდობის მისალმება, საუფლო ლოცვა და ეპისკოპოსთა კურთხევა. ერთიანობის ლოცვა, როგორც აღვნიშნეთ, იერუსალიმში მომზადდა, ამიტომ აქცენტები იერუსალიმზე და სხვადასხვა ეთნოსებისა და რელიგიების წარმომადგენელთა შორის მშვიდობიან თანაარსებობაზე იყო გაკეთებული. თვალსაჩინოებისათვის მოგვყავს ფრაგმენტი ერთიანობის ლოცვიდან, რომელიც ოთხი ეკლესიის მღვდელმთავართა მიერ იქნა წაკითხული: „ქრისტეში სამყარო ღმერთს შეურიგდა. მან შერიგების გზავნილი გავგიზიარა. როგორც ღვთის შენდობის დესპანები, შევთხოვთ ღმერთს: ჩვენ, განსხვავებული ტრადიციების წარმომადგენლები, ერთად ვლოცულობთ. წმინდაო, რომელიც გვაერთიანებ, ცხადყავი ჩვენი ერთობა. ერთად ვკითხულობთ ბიბლიას სხვადასხვა ენებისა და გარემოს წარმომადგენლები. განმცხადებლო, რომელიც გვაერთიანებ, ცხადყავი ჩვენი ერთობა და ხსნა მოგვიტანე. თუ ებრაელებს, ქრისტიანებსა და მუსულმანებს შორის მეგობრობის ხიდებს გავდებთ, გულგრი-

ლობისა და სიძულვილის კედლებს დავამსხვრევთ, გულმონყა-ლეო, ცხადყავი ჩვენი ერთობა და ხსნა მოგვიტანე.“

ერთობის ლოცვის შემდეგ, საშუალება მოგვეცა, გავსაუბრებოდით ეკუმენურ ლოცვაში მონაწილე მღვდელმსახურებს. გთავაზობთ მოკლე ამონარიდს ამ საუბრებიდან.

მთავარეპისკოპოსი კლავდიო გუჯეროტი: მე ხშირად მიწევს სხვადასხვა ქვეყნებში მოგზაურობა, და ამიტომ მხოლოდ ორჯერ თუ სამჯერ მივიღე მონაწილეობა თბილისში აღვლენილ ერთობის ლოცვებში. ისე, ყოველთვის ვმონაწილეობ ეკუმენურ ლოცვებში. დამერწმუნეთ, ამ ლოცვებს, ისევე როგორც ქრისტიანთა ერთიანობისადმი მიმართულ აქტიობებს, დიდი პერსპექტივა აქვთ.

ეპისკოპოსი ჰანს-იოახიმ კიდერლენი: მე დარწმუნებული ვარ, რომ ასეთი საერთო ლოცვები ძალიან მნიშვნელოვანია. უკვე მესამე წელია, საქართველოში ვიმყოფები და ვმონაწილეობ ეკუმენურ ლოცვებში, პირველად — ბაპტისტებთან, შარშან — სომხურ ეკლესიაში, ახლა უკვე ჩვენი მასპინძლობის ჯერი გახლდათ. შარშან ხელისუფლების მრავალი წარმომადგენელი ესწრებოდა ლოცვას, სამწუხაროდ, წელს ვერავინ ვნახე სახელისუფლებო წრეებიდან, არც დიპლომატიური კორპუსიდან, თუმცა, მათ გაუფგზავნეთ მოსაწვევები.

დარწმუნებული ვარ, რომ ყოველ ლოცვას აქვს დიდი ძალა და, კონკრეტულად, ეკუმენურ ლოცვასაც აქვს პერსპექტივა.

ეპისკოპოსი მერაბ გაფრინდაშვილი: შეიძლება ითქვას, რომ რალაც ყინული დაიძრა ჩვენს ქვეყანაში, მე მხედველობაში მაქვს საქართველოს პრეზიდენტის უკვე მეორე ვიზიტი კათოლიკურ ეკლესიაში, ასევე, სომხურ ეკლესიაში. ეს იყო ძალიან კარგი ჟესტი და, პრეზიდენტის მხრიდან, ძალიან კარგი ნაბიჯი... ცოტა გაუგებარია, რატომ არიდებენ თავს სახელმწიფო სტრუქტურების წარმომადგენლები ამგვარ ღონისძიებებზე დასწრებას. მას შემდეგ რაც პრეზიდენტმა მაგალითი მისცა, არავის უნდა ეძნელებოდეს დასწრება სხვადასხვა კონფესიების წარმომადგენელთა შეხვედრებზე. სამწუხაროა, რომ მასმედიის წარმომადგენლები არ იყვნენ. აბა, როგორ უნდა დამსხვრიო სტერეოტიპები, თუ მედიამ არ გააშუქა მსგავსი შეხვედრები. რაც შეეხება სხვა პროტესტანტული დენომინაციების მონაწილეობას, ჩვენ შეტყობინება გაუფგზავნეთ მათ, მაგრამ პასუხი არ მიგვიღია. ისე კი, ჩვენი მთავარეპისკოპოსის, ბატონ მალხაზ სონღულაშვილის არყოფნა ძალიან აკლია ეკუმენურ შეხვედრებსაც და ჩვენს ეკლესიასაც.

მ. პიერ დიუმულენი: როდესაც ადამიანების ერთიანობაზე ვსაუბრობთ, უნდა გავმიჯნოთ არსი, თუ რას ემსახურება ეს ერთიანობა. თუ ეს ერთიანობა არის თვითმიზანი და ადამიანური ამბიციის გამოვლინება, როგორიც იყო ბაბილონის გოდოლის მშენებლობისას, ეს არ არის კარგი. მაგრამ თუ არის ერთიანობა იესო ქრისტეში, ანუ სულიწმიდის ერთიანობა, ეს სულ სხვაა. სული წმიდით აღვსილი მოციქულები ამოწმებდნენ სახარებას და სხვადასხვა ენებზე მოსაუბრე ადამიანები იგებდნენ მათ სიტყვას, ეს არის ქრისტიანული ერთიანობა. ეკუმენური ლოცვაც ასეა, მისი მიზანი ქრისტიანთა შორის ურთიერ-თვაგების დამყარებაა. აბა, რას ჰგავს, როდესაც პალესტინაში მცხოვრები არაქრისტიანები ხედავენ, თუ როგორ ცალ-ცალკე არიან იქაური ქრისტიანები: კათოლიკეები, მარონიტები, მართლმადიდებლები, პროტესტანტები... რა მაგალითს ვაძლევთ მათ ჩვენი გათიშულობით? ეკუმენიზმი არ ნიშნავს, რომ ყველა კონფესია მექანიკურად უნდა გაერთიანდეს, მაგრამ ეს არის ერთიანობა და სიყვარული ქრისტეში. ეს არ არის ბაბილონის გოდოლი, ეს არის სულთმოფენობის ერთიანობა.

მ. არტური: მრავალგზის მიმიღია მონაწილეობა პოლონეთ-

ეკუმენური გვერდი

ში აღვლენილ ერთიანობის ლოცვებში; უნდა გითხრათ, რომ მართლმადიდებელთა ეპისკოპოსი ყოველთვის ესწრებოდა ამ ლოცვებს, რომელიც კათოლიკურ ტაძრებში იმართებოდა, და ქადაგებდა კათოლიკე ეპისკოპოსთან ერთად. სხვადასხვა დენომინაციის პროტესტანტებიც სისტემატურად მონაწილეობენ ერთიანობის ლოცვებში. ის რომ მართლმადიდებლები, კათოლიკეები და პროტესტანტები ერთად ლოცულობდნენ, პოლონეთში არ წარმოადგენს არანაირ პრობლემას. პირიქით, მათი თანამშრომლობა საკმაოდ მყარი და მრავალმხრივია (ისევე როგორც ევროპის სხვა ქვეყნებში — ნ. ბ.).

აქ, მართლაც შეუძლებელია, არ დავეთანხმოთ მ. არტურს; პოლონეთში მოღვაწეობდა ქართველი წმინდანი მ. გრიგოლ ფერაძე და ვარშავაში მის სახელზე ტაძარიც არის აღმართუ-

ინტერვიუ

მასნაჰციახეთა მასნაჰციახი

ქუთაისში მოღვაწე უზუცესმა მწერალმა და მეცნიერმა, ფილოსოფიის პროფესორმა, ბატონმა სიმონ არველაძემ გამოსაცემად მოამზადა ახალი წიგნი — „ღირსეულ ქუთათურთა სილუეტები“. წიგნის მეორე თავში, რუბრიკით — „ღვანლმოსილი პედაგოგები და მეცნიერები“, ავტორი მკითხველს სთავაზობს ივანე ვარლამიშვილის მოღვაწეობისადმი მიძღვნილ სტატიას — „უწრდილო კაცი“.

ჩვენი სურვილია, გავისხენოთ ქუთაისში მოღვაწე კათოლიკე, შესანიშნავი პიროვნება და აღმზრდელი ივანე მარლამიშვილი, რისთვისაც რამდენიმე კითხვით მივმართეთ მის ქალიშვილს, ქუთაისის 41-ე საშუალო სკოლის პედაგოგს, ქალბატონ ნატა ვარლამიშვილს.

ნინო ჟღენტი

ქალბატონო ნატა, ვფიქრობთ, „განებიერებული“ ხართ ისეთი მამის შვილობით, როგორიც ბატონი ვანო იყო. თუ შეიძლება, გვიამბეთ მის შესახებ.

მამა 1917 წლის 7 იანვარს, ქ. ქუთაისში, ფინანსისტ გრიგოლ ვარლამიშვილისა და ევგენია მირაქოვას ოჯახში დაიბადა.

1924 წელს, პატარა ვანო დაწყებითი განათლების მისაღებად პირველ შვიდწლიან შრომის სკოლაში მიაბარეს. 1933 წელს მან რკინიგზის სამშენებლო სასწავლებელი დაამთავრა. ამავე წელს მამა ჩაირიცხა აკ. წერეთლის სახელობის სახელმწიფო უნივერსიტეტში, რომელიც 1937 წელს დაამთავრა.

იმვიათაია სახალხო განათლებისა თუ კულტურის სფერო, სადაც მას აქტიური მონაწილეობა არ მიეღოს. იგი წლების მანძილზე მუშაობდა პედაგოგიური ინსტიტუტის ქართული ენისა და ლიტერატურის ფაკულტეტის დეკანის მოადგილედ, განათლების განყოფილების ინსპექტორად, მეთოდისტად, მე-19 სკოლის დირექტორად, მასწავლებელთა დახელოვნების ინსტიტუტის ქართული ენისა და ლიტერატურის მეთოდკაბინეტის გამგედ, მეთოდისტად. კითხულობდა ქართული ენის მეთოდიკის კურსს პედაგოგიურ ინსტიტუტში. შვიდი წლის განმავლობაში მამა იყო გაზეთ „განათლების“ კორესპონდენტი, ბოლო წლებში კი მუშაობდა ქუთაისის მერიაში სტილისტად.

მამის დამსახურებაზე მეტყველებს წლების განმავლობაში მიღებული ჯილდოები და ქუთაისის საპატიო მოქალაქის მაღალი წოდება. მას, როგორც მოქალაქეს, პედაგოგს, აფასებდნენ, როგორც „უწრდილო პიროვნებას“ და თბილი სიტყვითაც მოიხსენიებდნენ ბატონები: მ. ალავიძე, ავთ. ნიკოლეიშვილი, ვ. ჯავახაძე. ქ-ნი ლილი ნუცუბიძე კი წერდა: „მე ვამაყობ, რომ ქუთაისელი ვარ და ბატონი ვანო ჩემი ცხოვრების მასწავლებელია“.

ლი, სადაც კათოლიკეები და მართლმადიდებლები ერთად მი-აგებენ პატივს ამ წმინდანს, რომელიც სწორედ ქრისტიანთა ერთიანობის დამცველს წარმოადგენდა თავისი პიროვნული მრწამსით. წმ. გრიგოლ ფერაძის სწავლებისა და პოზიციის ღრმად გაგება, ალბათ, მეტად სასიკეთო იქნება ჩვენი საზოგადოებისათვის, რომელსაც ევროკავშირში ცხოვრება ძალიანაც სურს, მაგრამ თანამედროვე ევროპულ ფასეულობათა აღიარება, ცოტა არ იყოს, უჭირს. ქრისტიანთა ერთიანობის ლოცვები კი სწორედ გზაა ამ ევროპული ერთიანობისაკენ, სადაც ყველა ინარჩუნებს თავის ინდივიდუალობას, მაგრამ, ამავე დროს, ერთი საზოგადოების ნაწილია.

ნუზხარ ბარდაველიძე

რას იხსენებდა ბატონი ვანო ქუთაისის კათოლიკური ტაძრის შესახებ?

იგი ნამდვილი კათოლიკე იყო. მამიდამისი მართა ვარლამიშვილი ცოლად ჰყავდა XX საუკუნის 20-იან წლებში მოღვაწე, ქუთაისის კათოლიკური ეკლესიის უკეთილშობილესი მოძღვრის, დონ დამიანე სააკაშვილის ძმას — კოზმას. ოჯახი ყოველ კვირა დღეს სიხარულით მიდიოდა წირვაზე, სადაც ბაბუაჩემი ხშირად პირველი ვიოლინოს პარტიას ასრულებდა. მამა ყოველთვის სიამოვნებით იგონებდა უგანათლებულეს მოძღვართან დაუეწიყარ შეხვედრებს.

რას გვიამბობდით ქუთაისელი კათოლიკეების შესახებ და როგორი იყო ბატონ ივანეს განცდა, როდესაც, 1994 წელს, იტალიიდან მღვდელ-მონაზვნები ჩამოვიდნენ?

მამაჩემისთვის პრესით თუ ტელევიზიით გახმოვანებული ინფორმაცია კათოლიკური ეკლესიის შესახებ ყოველთვის ძალზედ მნიშვნელოვანი იყო. „ჩვენი ეკლესია“, — ამას ისეთი სიყვარულითა და სიამაყით იტყოდა ხოლმე, რომ მსმენელი იმწამსვე ზვდებოდა, თუ რაოდენ მნიშვნელოვანი იყო ის მისთვის. ადვილი წარმოსადგენია, რა სიხარულით შეხვდებოდა „თავის“ მღვდლებსა და მონაზვნებს, რომელნიც არანაკლები სითბოთი შეეგებნენ მას.

ქუთაისელმა კათოლიკეებმა ამაგდარ პიროვნებას 80 წლის იუბილე აღუნიშნეს. ამ ღონისძიებაში მნიშვნელოვანი როლი შეასრულეს ეპისკოპოსმა ჯუზეპე პაზოტომ (იმჟამად ქუთაისის ეკლესიის მოძღვარმა) და მამა გაბრიელე ბრაგანტინიმ.

მამამ ახლად აღორძინებულ ქუთაისის ეკლესიას და მის მოძღვრებს გადასცა ოჯახში წლების მანძილზე დიდი სიყვარულით დაცული საეკლესიო ნივთები, მათ შორის, ბიბლიოგრაფიულ იმვიათობად ქცეული იოსებ კონკონეს მესა, რომელიც ქუთაისის კათოლიკურ ეკლესიაში სრულდებოდა.

ბატონ ივანეს განგებამ ორ გენიოსთან უახლოესი ნათესაობა არგუნა წილად...

დიახ, მამა ბედნიერ ვარსკვლავზე იყო დაბადებული, ჰყავდა სახელოვან და გამოჩენილ ადამიანთა საკმაოდ ფართო წრე. ფელიქს ვარლა (ვარლამიშვილი), ქართველი ემიგრანტი, მსოფლიო ცნობილი მხატვარი, მისი უფროსი ძმა იყო. დიდი ქართველი კომპოზიტორი — ზაქარია ფალაშვილი კი — ბებიას მკვიდრი დეიდაშვილი გახლდათ.

პედაგოგების მხრივაც განსაკუთრებით გაუმართლა, ლექციებს უკითხავდნენ საყოველთაოდ აღიარებული მეცნიერები: კორნელი კეკელიძე, გიორგი ახვლედიანი, შალვა ნუცუბიძე, აკაკი შანიძე, სიმონ ყაუხჩიშვილი, ვარლამ თოფურია, მიხეილ ზანდუკელი, ვახტანგ კოტეტიშვილი, ანგია ბოჭორიშვილი და სხვ.

მამათქვენი ძველი ქუთათური კათოლიკური ოჯახის ტრადიციებზე აღზრდილი, პედაგოგიური ელიტის თვალსაჩინო წარმომადგენელი იყო. თქვენც და თქვენმა დამაც (ან გარდაცვლილი მარინე ვარლამიშვილი) პროფესიად პედაგოგობა აირჩიეთ. გქონიათ თუ არა რაიმე ინციდენტი, როგორც საქართველოში რელიგიური უმცირესობის წარმომადგენელს?

გული დამწყვეტია, როდესაც მოაზროვნე ადამიანისაგან მიგრძენია უარყოფითი დამოკიდებულება ქართველ კათოლიკეთა მიმართ, ახსნა კი ერთი და ცალსახა ყოფილა: რადგან საქართველო მართლმადიდებლური ქვეყანაა, ყველა ქართველი

მართლმადიდებელი უნდა იყოს.

რას უსურვებდით ჩვენს ქალაქს, საკრებულოს, საკუთარ თავს, და რას ისურვებდით უკვე აღიარებული მამის, ბატონი ივანეს სახელის უკვდავსაყოფად?

ჩვენს ქალაქს ვუსურვებ, ღირსეული სიტყვა ეთქვას 21-ე საუკუნის საქართველოს ისტორიაში; ჩვენს საკრებულოს — სიძლიერესა და რწმენის სიმტკიცეს.

რაც შეეხება მამასთან დაკავშირებულ სურვილებს, მინდა, ქუთაისელმა მკითხველმა, ათწლიანი ლოდინის შემდეგ, მიიღოს წიგნი მის ცხოვრებასა და მოღვაწეობაზე, რომლის გამოცემაც მისი ყოფილი მოწაფეების, ალ. შენგელიასა და დიტო ხურცილავას უდროო გარდაცვალებამ შეაფერხა. ვფიქრობ, მამის ღვაწლი და ამაგი ჩვენი ქალაქის ისტორიაში, გულისხმიერი ადამიანების თანადგომით, სათანადოდ იქნება დაფასებული.

იუბილარები



საყვარელო მამა ჰიჩი, გილოცავთ 50 წლის იუბილეს. ღმერთმა მოგანიჭოთ თქვენს ირგვლივ მყოფი ადამიანების მადლიერებითა და სიყვარულით სავსე ცხოვრება, ჯანმრთელობა და დიდი ხნის სიცოცხლე.

ძვირფასო მამა ლიჩი, გილოცავთ 80 წლის იუბილეს. გიუსურვებთ ღვთის მფარველობას, ჯანმრთელობას და ხანგრძლივ სიცოცხლეს. დაე, მთელი სიცოცხლის განმავლობაში იყოთ ისეთივე მხნე და ენერგიული, როგორც დღეს.



„საბას“ რედაქცია

განახლებული კომისიის პირველი შეხვედრა

ხანგრძლივი პაუზის შემდგომ, კვლავ განაახლა თავისი საქმიანობა კათოლიკურ ეკლესიასთან არსებული კულტურისა და ეკუმენიზმის (ეკლესიათაშორისი ურთიერთობების) კომისიამ. აღნიშნული კომისია წლების განმავლობაში ფუნქციონირებდა ეპისკოპოსის კურიაში და საკმაოდ ნაყოფიერ და, ამასთანვე, საზოგადოების მხრიდან დაუფასებელ საქმესაც ახორციელებდა. დაუფასებელს იმიტომ რომ, სამწუხაროდ, ჩვენს ქვეყანაში ადამიანთა უმრავლესობას, მათი არაინფორმირებულობის, ან უფრო ხშირად მავანთა მიერ შეგნებულად დამახინჯებული ინფორმაციის გამო, ეკუმენიზმზე ჯერ კიდევ მეტად მწირი და, აქედან გამომდინარე, საკმაოდ აგრესიული დამოკიდებულება აქვს. არადა საქართველოში მოქმედი ეკლესიები საკმაოდ ინტენსიურად თანამშრომლობენ კათოლიკე ეკლესიასთან, სასულიერო პირები იღებენ მისგან სოლიდურ მხარდაჭერასა და სხვადასხვა დახმარებასაც, ხშირად სტუმრობენ იტალიასა და ვატიკანს, მაგრამ რიგით მრევლს უმაღლავენ ამ კონტაქტების შესახებ. საქართველოში მოქმედი კათოლიკე ეკლესია მუდამ იყო და არის მომხრე ეკლესიათაშორისი თანამშრომლობის გასაღვარებისა და გაღრმავებისა. ქრისტიანები უნდა თანამშრომლობდნენ ერთმანეთთან, ეხმარებოდნენ ერთმანეთს, მაგრამ ეს როდი ნიშნავს პროზელიტიზმს და ერთ კონფესიად მექანიკურ გარდაქმნას. ამგვარი უნდობლობის გარემოცვაში, ეკუმენიზმის კომისიას, რომლის მიზანი მართლმადიდებელ ეკლესიასთან თანამშრომლობა და ურთიერთობის ნორმალიზებაა, უჭირს თავისი მიზნების განხორციელება.

კათოლიკე ეკლესიისათვის 2011 წლის ერთ-ერთი პრიორიტეტი ქრისტიანულ კონფესიებთან თანამშრომლობის გაღრმავება და მათ შორის არსებული უნდობლობის აღმოფხვრაა. სწორედ ამ მიზანს ემსახურება კულტურისა და ეკუმენიზმის

კომისიის საქმიანობაც.

ყოველ ორგანიზაციას, რაც არ უნდა წარმატებული იყოს იგი, პერიოდულად სჭირდება განახლება. სწორედ ამგვარი განახლება განიცადა კულტურისა და ეკუმენიზმის კომისიამ გასულ წელს და 2011 წლის 12 იანვარს თავისი პირველი სხდომა ჩაატარა. მანამდე კი, ეპისკოპოსმა ჯუზეპე პაზოტომ წერილობით მიმართა კომისიის ყოველ წევრს და სთხოვა მათ, დაედასტურებინათ თავიანთი მზაობა კომისიაში თანამშრომლობის შესახებ. პირველ სხდომას უკვე განახლებული კომისიის წევრები ესწრებოდნენ.

სხდომა გახსნა ეპისკოპოსმა ჯუზეპე პაზოტომ, რომელმაც განაცხადა: „ამ კომისიას ყველაზე რთული სამუშაო აქვს, კონკრეტული შედეგიც რთული მისაღწევია. დიდი რწმენითა და სასოებით უნდა მივანდოთ ღმერთს ჩვენი საქმიანობა. ეკუმენიზმს კულტურის მეშვეობით მივალწევთ. შეიძლება საქმე წაგებულად ჩანდეს, მაგრამ ბოლოს მაინც წარმატებით დამთავრდება. შეიძლება ეს გამარჯვება ვერ დავინახოთ, მაგრამ უნდა გვწამდეს, რომ საბოლოოდ ამას მივალწევთ. მთავარია, გვექონდეს მიზნები, გეგმა, რამდენიმე კონკრეტული თემა. უნდა ვიმუშაოთ მთელი ქვეყნის მასშტაბით, თუმცა, ყველა პროექტი როდი იქნება ყველა საკრებულოსთვის გათვალისწინებული, ყველას თავისი კონკრეტული საქმე ექნება. ურთიერთობა უნდა გვექონდეს მასშედისთან.“

ცოტათი შეიცვლა დამოკიდებულება სოციალურ სფეროში, გაგვიჩნდნენ მხარდამჭერები. საზოგადოებაში არის ინტერესი და მხარდაჭერა და უნდა ვითანამშრომლოთ მასთან“.

კომისიის თავმჯდომარემ, მ. გაბრიელე ბრაგანტინიმ, თავის მოკლე მიმართვაში, კომისიის კონკრეტულ გეგმებზე ისაუბრა: ჩვენ სხვადასხვა კუთხიდან ვართ და სხვადასხვა პრობლემებს

წარმოვაჩენთ. ამჟამინდელი კომისია უფრო მცირერიცხოვანია, ამიტომ უფრო კონკრეტულად იმუშავებს. კულტურის გზით, ჩვენ ვცდილობთ, მივალწიოთ დამოკიდებულების დათბობას ეკლესიათაშორის ურთიერთობებში. შემდგომ საუბარი კომისიის კონკრეტულ გეგმებს შეეხო 2011 წლისათვის. გადაწყდა, რომ ყოველ ორ თვეში ერთხელ გაიმართოს კომისიის სხდომები. უახლოეს ღონისძიებად კი ეკლესიათა ერთიანობისადმი მიძღვნილი საერთო ლოცვის ორგანიზებაში მონაწილეობა დაისახა. მართალია, მიმდინარე წელს ეკუმენურ ლოცვას ევანგელურ-ლუთერული ეკლესია მასპინძლობს, მაგრამ

კათოლიკეთა მონაწილეობა ლოცვაში და ამ მონაწილეობისადმი დახმარების გამოჩენა სწორედ ეკუმენური კომისიის უპირველესი მოვალეობაა.

ასევე გადაწყდა, რომ 2011 წელს ჩატარდეს საერთაშორისო სიმპოზიუმი ბიოეთიკაში, და ამ სიმპოზიუმში საქართველოს საპატრიარქოს შესაბამისი კომისიაც იქნას ჩაბმული.

კულტურისა და ეკუმენიზმის კომისიის მომდევნო შეხვედრა 1 მარტს გაიმართება.


ნუგზარ ბარდაველიძე

განუსვენე მათ, უფალო!



მარიამ ანთაძე

* 22.03.1924 წ. – ხიზაბაგრა
† 13.12.2010წ. – ხიზაბაგრა (ასპინძა)



ოვანეს ოვსიანი

* 06.04.1930 წ. – დაბა აშოცკი (სომხეთი)
† 03.13.2010 წ. – აბასთუმანი



ვზგენია დიდიშაიშვილი

* 20.02.1928 წ. – საჩხერე ს.ორღული
† 23.11.2010 წ. – ახალციხე



ელისაბად ხულოიანი

* 08.07.1935 წ. – ოზურგეთი
† 20.11.2010 წ. – ოზურგეთი



ტირუზა გირკიბიანი

* 22.03.1922 წ. – ოზურგეთი
† 05.01.2011 წ. – ოზურგეთი



ძრისტინა ზაღოიანი

* 01.06.1926 წ. – ოზურგეთი
† 20.11.2010 წ. – ოზურგეთი




თამარ გოგონოვი

* 26.10.1924 წ. – ქუთაისი
† 2.12.2010 წ. – ქუთაისი



ნინა ჯანაშვილი

* 05.11.1937 წ. – ვალე
† 10.12.2010 წ. – ვალე



მარია ხითარიშვილი

* 30.09.1915 წ. – ვალე
† 17.12.2010 წ. – ვალე

სარჩევი

რედაქციის გვერდი.....2

კათოლიკე ეკლესია

მსოფლიოში4

კათოლიკე ეკლესია

საქართველოში5

ქართველ კათოლიკეთა ეკლესია

უცხოეთში 11

კათოლიკური პასუხი 12

თვის წმიდანი 12

ქრისტიანული ოჯახი 15

ეკუმენური გვერდი 16

ინტერვიუ 17

ინფორმაცია 18

საგანგებო ჩანართი I-IV

რედაქცია:

მამა გაბრიელე ბრაგანტინი

ნუგზარ ბარდაველიძე

ნატო ბიგვაჟა

ვერიკო ნოზაძე

მერაბ ლაღანიძე

ზაზა შათირიშვილი

ციცინო ხითარიშვილი

მისამართი:

თბილისი, გია აბესაძის ქ. №4

ტელ.: 98-95-16

რეგისტრაციის № 1853

დაარსდა 1994 წ.

მანანა ანდრიაძის მიერ

© „საბა“, 2011